

王湘綺先生全集

八代詩選




齊已後新體詩第一

齊全梁卷上

長沙湘潭

王闓運撰



王融

臨高臺

遊人欲騁望積步上高臺  
井蓮當夏吐窗柱逐秋開  
花飛低不入鳥散遠時來  
還看雲棟影含月共徘徊

和王友德元古意

游禽暮知返行人獨未歸  
坐銷芳草氣空度明月輝  
顰容入朝鏡思淚點春衣  
巫山彩雲沒淇上綠楊稀  
待君竟不至秋雁雙雙飛

八代詩選

齊鑑類上

餞謝文學離夜

所知共歌笑誰忍別笑歌  
離軒思黃鳥分渚蘆青莎  
翻情結遠旆灑淚與行波  
春江夜明月還望情如何

琵琶

抱月如可明懷風殊復清  
絲中傳意緒花裏寄春情  
掩抑有奇態淒鏘多好聲  
芳袖幸時拂龍門空自生

詠幔

幸得與珠綴罷慰君之楹  
月暎不辭卷風來飈自輕  
每聚金爐氣時駐玉琴聲  
但願置尊酒蘭釭當夜明

蕭子隆

經劉嘯墓下

升堂子不謬問道余未窮如何辭白日千載隔音容山門  
一已絕長夜緬難終初松切暮鳥新楊催曉風榛闢向蕪  
密泉塗轉銷空

王儉

春詩

風光承露照霧色點蘭暉青萸結翠藻黃鳥弄春飛  
後園餞從兄豫章

茲夕竟何夕念別開曾軒光風轉蘭蕙流月汎虛園

徐孝嗣

八代詩選

新體詩上  
齊全梁上

白雪歌

風聞晚翻霜月殿夜凝明願君早流盼無令春草生

謝朓

隋王鼓吹曲十首

入朝曲

江南佳麗地金陵帝王州逶迤帶綠水迢遞起朱樓飛蕩  
夾馳道垂楊蔭御溝凝旆翼高蓋疊鼓送華輶獻納雲臺  
表功名良可收

出藩曲

雲枝紫微內分組承明阿飛艫遊極浦旌節去關河眇眇

蒼山色沈沈寒水波饒音巴渝曲簫鼓盛唐歌夫君邁惟  
德江漢仰清和

登山曲

天明開秀粵瀾光媚碧隄風盪飄鷲亂雲行芳樹低暮春  
春服美游駕陵丹梯升嶠旣小魯登巒且悵齊王孫尙游  
衍蕙草正萋萋

泛水曲

玉露霑翠葉金風鳴素枝罷游平樂苑泛鷁昆明池旌旗  
散容裔簫管吹參差日晚厭遵渚采菱贈清漪百年如流  
水寸心甯共知

八代詩選

齊金縢上

秋竹曲

嫵娟綺窗北結根未參差從風旣嫋嫋暎日頗離離欲求  
棗下吹別有江南枝但能凌白雪貞心蔭曲池

曲池之水

緩步遵莓渚披衿待蕙風芙蓉舞輕帶苞筍出芳叢浮雲  
自西北江海思無窮鳥去能傳響見我綠琴中

新亭渚別范零陵雲

洞庭張樂地瀟湘帝子游雲去蒼梧野水還江漢流停驂  
我悵望輟棹子夷猶廣平聽方藉茂陵將見求心事俱已  
矣江上徒離憂

移病還園示親屬

疲策倦人世，斂性就幽蓬。停琴佇涼月，滅燭聽歸鴻。涼薰乘暮晰，秋華臨夜空。葉低知露密，崖斷識雲重。折荷茸寒袂，開鏡盼衰容。海暮騰清氣，河關祕棲沖。煙衡時未歇，芝蘭去相從。

和劉西曹望海臺

滄波不可望，望極與天平。往往孤山暎，處處春雲生。差池遠雁沒，颯沓羣鳧驚。擣塵及簿領，棄捨出重城。臨川徒可羨，結罔庶時營。

送江兵曹檀主簿朱孝廉還上國

八代詩選

齊到梁上

四

方舟汎春渚，攜手趨上京。安知暮歸客，詎憶山中情。香風紫上發，好鳥葉間鳴。揮袂送君已，獨此夜琴聲。

臨溪送別

悵望南浦時，徒倚北梁步。葉上涼風初，日隱輕霞暮。荒城迴易陰，秋溪廣難渡。珠泣豈徒然，君子行多露。

和何議曹郊游

春心澹容與，挾弋步中林。朝光暎紅萼，微風吹好音。江垂得清賞，山際果幽尋。未嘗遠離別，知此愜歸心。流沂終靡已，嗟行方至今。

和徐都曹出新亭渚

雲髻影的爍綺疏金恨君秋月夜遺我洞房陰

張融

別詩一首

白雲山上盡清風松下欲識離人悲孤臺見明月

梁昭明太子蕭統

晚春

紫蘭葉初滿黃鸝弄始稀石躑還似獸蘿長更勝衣水曲  
文魚聚林冥鴉烏飛渚蒲變新節巖桐長鶯圍風花落未  
己山齋開夜扉

詠彈箏人

八代詩選

新體詩一  
齊全梁上

五

故箏猶可惜應度幾人邊塵多盈移柱風燥脆調弦還信  
三洲曲誰念九重泉

簡文帝綱

上之回

前旆拂回中後車臨桂宮輕絲駐雲罕春色繞川風桃林  
方灼灼柳路日曛曛笳聲駭胡騎清磬讐山戎微臣今拜  
手願帝永無窮

蜀國弦歌篇十韻

銅梁指斜谷劍道望中區通星上分野作固下爲都雅歌  
因良守妙舞自巴渝陽城嬉樂所劍騎鬱相趨五婦行雉

至百兩好游娛，  
性祈望帝祀，  
酒醉蜀侯姝，  
江妃納重聘，  
卓女受將雛，  
停弦時繫爪，  
息吹更治朱，  
脫衫湔錦浪，  
回扇避陽烏，  
聞君握節返，  
賤妾下城隅。

豔歌篇十八韻

凌晨光景麗，  
倡女鳳樓中，  
前瞻削成小，  
旁望卷旌空，  
分妝開淺靨，  
繞臉傅斜紅，  
張琴未調軫，  
飲吹不全終，  
自知心所愛，  
出入仕秦宮，  
誰言連尹屈，  
更是莫敖通，  
輕軜綴阜蓋，  
飛轡轆雲驄，  
金鞍隨繫尾，  
銜璫映纏鬣，  
戈鏤荆山玉，  
劍飾丹陽銅，  
左把蘇合彈，  
旁持大屈弓，  
控弦因鵲血，  
挽彊用牛螭，  
弋獵多登隴，  
酣歌每入豐，  
輝輝隱落日，  
冉冉還房櫳，  
燈生陽燧火，  
塵散鯉魚風，  
流蘇時下帳，  
象簟復韜簡，  
霧暗窗前柳，  
寒疎井上桐，  
女蘿託松際，  
甘瓜蔓井東，  
拳拳恃君寵，  
歲暮望無窮。

妾薄命篇十韻

名都多麗質，  
本自恃容姿，  
蕩子行未至，  
秋胡無定期，  
玉兒歇紅臉，  
長鬢憤翠眉，  
匳鏡迷朝色，  
縫鍼脆故絲，  
本異搖舟咎，  
何關竊席疑，  
生離誰拊背，  
溘死詎來遲，  
王嬙兒本絕，  
踰入氍帷虛，  
姬嫁日晚非，  
復少年時，  
轉山猶可遂，  
烏白望難期，  
妾心徒自苦，  
旁人會見嗤。

從軍行

八代詩選

新體詩一齊全梁上

貳師惜善馬樓蘭貪漢財前年出右地今歲討輪臺魚雲  
望旗聚龍沙隨陳開冰城朝浴鐵地道夜銜枚將軍號令  
密天子璽書催何時反舊里遙見下機來

汎舟橫大江

滄浪白日輝游子出王畿旁望重山轉前觀遠帆稀廣水  
浮雲吹江風引夜衣旅雁同洲宿寒鳧夾浦飛行客誰多  
病當念早旋歸

隴西四戰地羽檄歲時聞護羌擁漢節校尉立元勳石門  
留鐵騎冰城息夜軍洗兵逢驟雨送陳出黃雲沙長無止  
泊水脈屢縈分當思勒彝鼎無用想羅君

八代詩選

新體詩上  
齊全類上

七

悠悠縣旆旌知向隴西行滅竈驅前馬銜枚進後兵沙飛  
朝似幕雲起夜疑城回山時阻路絕水亟稽程往年郵支  
服今歲單于平方歡凱樂盛飛蓋滿西京

雁門太守行

輕霜中夜下黃葉遠辭枝寒苦春難覺邊城秋易知風急  
旂旗斷涂長鎧馬疲少解孫吳法家本幽并兒非關買雁  
肉徒勞皇甫規

隴暮風恆急關寒霜自濃櫪馬夜方思邊衣秋未重潛師  
夜接戰略地曉摧鋒悲笳動胡塞高旗出漢壩勤勞謝功  
業清白報迎逢非須主人賞甯期定遠封單于如未繫終



夜慕前臨

京洛篇

南游偃師縣斜上灞陵東回瞻龍首堞遙望德陽宮重門  
遠照燿天閣復穹窿城旁疑複道樹裏識松風黃河入洛  
水丹泉繞射熊夜輪縣素魄朝光蕩碧空秋霜曉驅雁春  
兩暮成虹曲陽造甲第高安還禁中劉蒼歸作相實憲出  
臨戎此時車馬合茲晨冠蓋通誰知兩京盛歡宴遂無窮  
權歌行

妾家住湘川菱歌本自便風生解刺浪水深能捉船葉亂  
由牽苻絲飄爲折蓮濺妝疑薄汗霑衣似故湔浣紗流暫  
入代詩選新體詩上  
濁汰錦色還鮮參同趙飛燕借問李延年從來入弦管誰

在權歌前

怨歌行

十五頗有餘日照杏梁初蛾眉本多嫉掩鼻特成虛持此  
傾城兒翻爲不肖軀秋風吹海水寒霜依玉除月光臨戶  
駛荷花依浪舒望檐悲雙翼窺沼泣前魚落生履處沒草  
台行人疎裂紉傷不盡歸骨恨難祛早知長信別不避後

園輿

美女篇

佳麗盡關情風流最有名約黃能效月裁金巧作星粉光

勝玉靚衫清擬蟬輕密態隨流臉嬌歌逐輦聲朱顏半已  
醉微笑隱香屏

葉黃女

葉莢生狹斜結子復銜花遇逢織手摘濫得映鉛華雜與  
鬢簪插偶逐鬢鈿斜東西爭贈玉縱橫來問家不無夫婿  
馬空駐使君車

有所思

昔未離長信金翠奉乘輿何言人事異夙昔故恩疎寂寞  
錦筵靜玲瓏玉殿虛掩閨泣團扇羅幌詠靡蕪

和湘東王橫吹曲三首

八代詩選

新體詩上  
齊全梁上

九

折楊柳

楊柳亂成絲攀折上春時葉密鳥飛礙風輕花落遲城高  
短簫發林空畫角悲曲中無別意併是爲相思

洛陽道

洛陽佳麗所大道滿春光游童初挾彈蠶妾始提筐金鞍  
照龍馬羅袂拂春桑玉車爭晚入潘果溢高箱

紫騮馬

賤妾朝下機正值良人歸青絲縣玉鐙朱汗染香衣驟急  
珂彌響踴多塵亂飛彫菰幸可薦故心君莫違

長安道

神皋開隴右陸海實西秦金槌抵長樂複道向宜春落花  
依度幘垂柳拂行輪金張及許史夜夜尙留賓

明君詞

玉豔光瑤質金鈿婉黛紅一去蒲荷觀長別披香宮秋檐  
照漢月愁帳入胡風妙工偏見詆無由情恨通

詠中婦織流黃

翻花滿階砌愁人獨上機浮雲西北起孔雀東南飛調絲  
時繞挽易鐻乍牽衣鳴梭逐動釧紅妝映落輝

豔歌行

雲楣桂成戶飛棟杏爲梁斜窗通黛氣細隙引塵光裁衣

入代詩選

新體詩一  
齊全梁上

魏后尺汲水淮南牀青驪莫當返預使羅裾香

賦得當壚

十五正團團流光滿上蘭當壚設夜酒宿客解金鞍迎來  
挾瑟易送別但歌難欲知心恨急翻令衣帶寬

擬沈隱侯夜夜曲

靄靄夜中霜河開向曉光枕嘒常帶粉身眠不著牀蘭膏  
盡更益薰鑪滅復香但問愁多少便知夜短長

獨處怨

獨處恆多怨開幕試臨風彈碁鏡奩上傅粉高樓中自從  
征馬去音信不曾通只恐金屏掩明年已復空

楚如歎

幽閨情脈脈漏長宵寂寂草螢飛夜戶絲蟲繞秋壁薄笑  
未爲欣微歎還成戚金簪鬢下垂玉筍衣前滴

侍游新亭應令

神襟愍行邁岐路愴徘徊遙瞻十里陌旁望九城臺鳳管  
流虛谷龍騎藉春萋曉光浮野曠朝煙承日迴沙文浪中  
積春陰江上來柳葉帶風轉桃花含雨開聖情蘊珠綺札  
命表英才顧憐砮硃質何以儷瓊瓌

登烽火樓

聳樓排樹出卻堞帶江清陟降試遠望鬱鬱盡郊京萬邑

八代詩選

新體詩上

十一

王畿曠三條綺陌平亘原橫地險孤嶼派流生悠悠歸棹  
入渺渺去帆驚水煙浮岸起遙禽逐霧征

翫漢水

雜色崑崙水泓澄龍首渠豈若茲川麗清流疾且徐離離  
細積淨藹藹樹陰疎石衣隨溜卷水芝扶浪舒連翩寫去  
楫鏡澈倒遙墟聊持點纓上於是察川魚

經琵琶峽

由來歷山川此地獨回遭百嶺相紆蔽千崖共隱天橫峰  
時礙水斷岸或通川還瞻已迷向直去復疑前夕波照孤  
月山枝斂夜煙此時愁緒密口口魂九遷

仙客

漆水豈難變桐刀乍可揮青書長命錄紫水芙蓉衣高翔  
五岳小低望九河微穿池聽龍長叱石待羊歸酒闌時節  
久桃生歲月稀

望同泰寺淨圖

遙看官佛圖帶璧復垂珠燭銀踰漢汝寶鐸邁昆吾日起  
光芒散風吟宮徵殊露落盤恆滿桐生鳳不離飛幡維晚  
虹畫烏狎晨冕梵世凌空下應眞蔽景趨帝馬咸千轡天  
衣盡六銖意樂開長表多寶見金軀能令苦海渡復使慢  
山踰願能同四忍長當出九居

八代詩選

新體詩上  
齊全樂上

三

巨出興業寺講

沐芳肅朝帶駕言抵淨宮羽旗承去影鏢吹雜還風吳戈  
夏服箭驥馬綠沈弓水照柳初碧煙含桃半紅由來六塵  
縛宿昔五纏朦見鶴徒知謬察象理難同方知惡四辨奚  
用語三空

率爾成詠

借問仙將畫詎有此佳人傾城且傾國如雨復如神漢后  
憐名燕周王重姓申挾瑟曾游趙吹簫屢入秦玉階偏望  
樹長廊每逐春約黃出意巧纏弦用法新迎風時引裊避  
日暫披巾疎花曠髻插細佩遶衫身誰知日欲薄含羞不

自陳

秋閨夜思

非關長信別詎是良人征九重忽不見萬恨滿心生夕門  
掩魚鑰宵牀悲畫屏迴月臨窗度吟蟲繞砌鳴初霜實細  
葉秋風吹亂螢故妝猶累日新衣製未成欲知妾不寐城  
外擣砧聲

詠內人晝眠

北窗聊就枕南闥日未斜攀鉤落綺障插換舉琵琶夢笑  
開嬌靨眠鬢壓落花簾文生玉挽香汗浸紅紗夫婿恆相  
伴莫誤是倡家

八代詩選

辭全體上

詠舞

可憐稱二八逐節似飛鴻縣勝河陽妓暗與淮南同入行  
看履進轉面望囊空挽動若華王衫隨如意風上客何須  
起嗚烏未肯終

和湘東王首夏

冷風雜細雨垂雲助麥涼竹水俱蔥翠花蝶兩飛翔燕泥  
銜復落鴉吟斂更揚臥石藤爲纜山橋樹作梁欲待華池  
上明月吐清光

納涼

斜日晚駸駸池塘生半陰避暑高梧側輕風時入袷落花

還就影驚蟬乍失林游魚吹水沫神蔡上荷心翠竹垂秋  
采丹棗暎疎砧無勞夜游曲寄此託微吟

晚景納涼

日移涼氣散懷抱信悠哉珠簾影空卷桂戶向池開烏樓  
星欲見河淨月應來橫階入細筍蔽地溼輕落草化飛爲  
火蟲聲合似雷於茲靜聞見自此歇氛埃

初秋

羽翼晨猶動珠汗晝恆揮秋風忽嫋嫋向夕引涼歸浮陰  
卽染浪清氣始乘衣卷幌通河色開窗引月輝晚花闌下  
照疏螢簾上飛直置猶如此何況送將歸

八代詩選

齊體詩上

大同十年十月戊寅

喧塵是時息靜坐對重巒冬深柳條落雪後桂枝殘星明  
霧色淨天白雁行單雲飛乍想閣冰結遠疑紈晚橋隱重  
屏枯藤帶迴竿荻陰連水氣山峰添月寒

賦得隴坻雁初飛

高翔憚闊海不去怯虞機霧暗早相失沙明還共飛隴狹  
朝聲聚風急暮行稀雖弭輪臺援未解龍城圍相思不得  
返且寄別書歸

采蓮曲

晚日照空磯采蓮承晚輝風起湖難度蓮多摘未稀棹動

芙蓉落船移白鷺飛荷絲旁繞枕菱角遠牽衣  
賦樂府得大垂手

垂手忽迢迢飛燕掌中嬌羅衣恣風引輕帶任情搖詎是  
長沙地促舞不回腰

江南思

桂楫晚應旋厯岸扣輕舷紫荷擎釣鯉銀筐插短蓮人歸  
浦口暗那得久迴船

餞別

行樂出南皮讌餞臨華池籜解篁開節花暗鳥迷枝窗陰  
隨影度水色帶風移徒命銜杯酒終成憫別離

入代詩選

新體詩上  
齊全體梁上

五

晚景出行

細樹含殘影春閨散晚香輕花鬢邊墮微汗粉中光飛鳧  
初罷曲唳烏忽度行羞令白日暮車騎鬱相望

春閨

楊柳葉纖纖佳人懶織縑正衣還向鏡迎春試卷簾摘梅  
多繞樹覓燕好窺檐只言逐花草計校應非嫌

詠人棄妾

昔時嬌玉步含羞花燭邊豈言心愛斷銜唳私自憐常見  
歡成怨非關醜易妍獨鵲罷中路孤鸞死鏡前

美人晨妝



北窗向鏡錦帳復斜縈嬌羞不肯出猶言妝未成散黛  
隨眉廣燕支逐險生試將持出眾定得可憐名

和林下妓應令

炎光向夕斂促宴臨前池泉將影相得花與面相宜管聲  
長鳥哢舞袂寫風枝歡樂不知醉千秋長若斯

擬落日窗中坐

杏梁斜日照餘輝映美人開函脫寶釧向鏡理紈巾游魚  
動池葉舞鶴散階塵空嗟千歲久願得及陽春

雪裏覓梅花

絕訝梅花晚爭來雪裏窺下枝低可見高處遠難知俱羞

八代詩選

新體詩一  
齊全梁上

十六

惜婉露相讓到腰羸定須還翦綵學作兩三枝

晚日後堂

幔陰通碧砌日影度城隅岸柳垂長葉窗桃落細跗花留  
蛺蝶粉竹翳蜻蜒珠賞心無與共染翰獨峙巖

春日

年還樂應滿春歸思復生桃舍可憐紫柳發斷腸青落花  
隨燕入游絲帶蝶驚邯鄲歌管地見許欲留情

元圃納涼

登山想劍閣逗浦憶辰陽飛流如凍雨夜月似秋霜螢翻  
競晚熱蟲思引秋涼鳴波知礙石暗草別蘭香

秋夜

高秋度函谷墜露下  
秀枝綠潭倒雲氣  
青山銜月規花心  
風上轉葉影樹中危  
外游獨千里夕歎誰共知

和湘東王陽雲樓檐柳

暖暖陽雲臺春柳發  
新梅柳枝無極  
輦春風隨意來潭池  
青帷閉玲瓏朱扇開  
佳人有所望車聲非是雷

詠蛺蝶

空園暮煙起逍遙獨未歸  
翠鬣藏高柳紅蓮拂水衣  
復此從風蝶雙花上飛  
寄與相知者同心終莫違

詠螢

八代詩選

新體詩一  
齊全梁上

十七

本將秋草并今與夕風輕  
騰空類星實拂樹若花生  
屏疑神火照簾似夜珠  
明逢君拾光彩不恡此身傾

和湘東王三韻春宵一首

花樹含春叢羅帳夜長  
空風聲隨篠韻月色與池同  
彩牋徒自發無信往雲中

詠晚閨

珠簾向暮下天姿不可追  
花風暗裏覺蘭燭帳中飛  
何時玉窗裏夜夜更縫衣

同庾肩吾四詠蓮舟買荷度

采蓮前岸隈舟子屢徘徊  
荷披衣可識風疏香不來  
欲知

船度處當看荷葉開

詠芙蓉

圓花一帶卷交葉  
半心開影前光照耀  
香裏蝶徘徊欣隨  
玉露點不逐秋風催

詠梔子花

素華偏可喜的的半臨池  
疑爲霜裏葉復類雪封枝  
日斜光隱見風還影合離

愁閨照鏡

別來憔悴久他人怪容色  
只有匣中鏡還持自相識

金閨思

八代詩選

新體詩一  
齊全梁上

六

游子久不返妾身當何依  
日移孤影動羞覩燕雙飛  
從頓還城南

暫別兩成疑開簾生舊憶  
都如未有情更似新相識  
夜遣內人還後舟

錦幔扶船列蘭橈拂浪浮  
去燭猶文水餘香尙滿舟

雜詠

被空眠數覺寒重夜風吹  
羅帷非海水那得度前知

望月

今夜月光來正上相思臺  
可憐無遠近光照悉徘徊

詠疏楓

萋綠映葭青疏紅分浪白花葉灑行舟仍持送遠客

蜂

逐風從泛漾照日乍依微知君不留盼銜花空自飛

詠獨舞

因羞強正釵顧影時回袂非關善留客更是嬌夫婿

元帝釋

芳樹

芬芳君子樹交柯御宿圍桂影含秋月桃花染春源落英  
逐風聚輕香帶縈翻叢枝臨北閣灌木隱南軒交讓良宜  
重成蹊何用言

八代詩選

新體詩上  
齊全梁上

九

巫山高

巫山高不窮迴出荆門中灘聲下濺石峻鳴上逐風樹雜  
山如畫林暗澗疑空無因謝神女一爲出房櫳

折楊柳

巫山巫峽長垂柳復垂楊同心且同折故人懷故鄉山似  
蓮花豔流如明月光寒夜蛩聲徹游子淚霑裳

飛來雙白鶴

紫蓋學仙成能令吳市傾逐舞隨疎節聞琴應別聲集田  
遙赴影隔霧近相鳴時從洛浦渡飛向遼東城

赴荊州泊三江口

涉江望行旅金鉦間綵旂水際含天色虹光入浪浮柳條  
恆拂岸花氣盡薰舟叢林多故社單戍有危樓疊鼓隨朱  
鷺長簫應紫騮蓮舟夾羽筆畫舸覆緹油榜歌殊未息於  
此汛安流

藩難未靜述懷

玉節威雲夢金鉦韻渚宮霜戈臨塹白日羽暎流紅簾醪  
結猛將芳餌引羣雄箭擁淇園竹劍聚若溪銅亟覩周王  
駿多逢鮑氏驄謀出河南賈威寄隴西馮溪雲連陳合卻  
月半山空樓前飄密柳井上落疎桐差營逢注雨立壘挂  
長虹

八代詩選

新體詩一  
齊全梁上

三

和劉尚書侍五明集詩

帝德治區宇垂衣彰太平黃唐慙懋實子姒惡嘉聲治定  
陳五禮功成奏六英汲引留宸鑒舟航動睿情法王唯一  
法無生信不生因因從此見果果自斯明元良仰副后含  
一震鴻名龜藏踰啟筮魯史冠春卿日宮佳氣滿月殿善  
風清綺錢蔽西觀緹幔卷南榮金門練朝鼓玉壺休夜更  
宮槐留曉合城烏侵曙鳴露光枝上宿霞影水中輕虛薄  
今何事徒知戀法城

登顏園故閣

高樓三五夜流影入丹墀先時留上客夫婿美容姿妝成

理蟬鬢笑罷斂蛾眉  
衣香知步近  
釧動覺行遲  
如何舞館樂翻見  
歌梁悲猶縣  
北窗幌未卷  
南軒帷寂寂  
空郊暮非復少年時

夕出通波閣下觀妓

蛾月漸成光  
燕姬戲小堂  
胡舞開春閣  
鈴盤出步廊  
起龍調節奏  
卻鳳點笙簧  
樹交臨舞席  
荷生夾妓航  
竹密無分影  
花疎有異香  
舉杯聊轉笑  
歡茲樂未央

別荊州吏民

王節居分陝  
金貂總上流  
麾軍時舉扇  
作賦且登樓  
年光徧原隰  
春色滿汀洲  
日華三翼舸  
風轉七星旂  
向解青絲

八代詩選

新體詩  
齊全梁上

纜將移丹桂舟

望江中月影

澄江涵皓月  
水影若浮天  
風來如可汎  
流急不成圓  
秦鉤斷復接  
和璧碎還聯  
裂紈依岸草  
斜桂逐行船  
卽此春江上  
無俟百枝然

賦得蘭澤多芳草

春蘭本無絕  
春澤最葳蕤  
燕姬得夢罷  
尙書奏事歸  
臨池影入浪  
從風香拂衣  
當門已芬馥  
入室更芳菲  
蘭生不擇逕  
十步豈難稀

賦得竹

澗谷管新抽淇園節復修作龍還葛水爲馬向并州柯亭  
臨絕澗桃枝夾細流冠學芙蓉樣花堪威鳳游叩王若有  
獻張騫應拜侯

晚棲鳥

日暮連翩翼俱向上林棲風多前鳥駛雲暗後羣迷路遠  
聲難徹飛斜行未齊應從故鄉返幾過入蘭閨借問倡樓  
妾何如蕩子妻

登江州百花亭懷荆楚

極目纔千里何出望楚津落花灑行路垂楊拂砌塵柳絮  
飄晴雪荷珠漾水銀試酌新春酒遙勸陽臺人

入代詩選

新體詩一  
齊全梁上

早發龍巢

征人喜放溜曉發辰陽隈初言前浦合定覺近洲開不疑  
行舫動唯看遠樹來還瞻起漲岸稍隱陽雲臺

夜宿柏齋

燭暗行人靜簾開雲影入風細雨聲遲夜短更籌急能下  
班姬淚復使倡樓泣況此客游人中宵空佇立

後園看騎馬

良馬出蘭池連翩驅桂枝鳴珂隨踟駛輕塵逐影移香來  
知驟近汗斂覺風吹遙望黃金絡縣識幽并兒

和劉上黃春日

新鷺隱葉嚙新燕向窗飛柳絮時依酒梅花乍入衣玉珂  
逐風度金鞍暝日輝無令春色晚獨望行人歸

戲作豔詩

入堂值小婦出門逢故夫含辭未及吐絞衷且峙嶮搖茲  
扇似月掩此淚如珠今懷故無已故情今有餘

和林下作妓應令

日斜下北閣高宴出南榮歌清隨澗響舞影向池生輕花  
亂粉色風篠雜鼓聲獨念陽臺下願待洛川笙

祀伍相廟

石城甯足拒金陳詎能追楚關開六塞吳兵入九圍山水

八代詩選

辭體詩上

三

猶縈帶城池失是非空餘壽宮在日暮舞靈衣

詠風

樓上試朝妝風花下砌旁入鏡先飄粉翻衫好染香度舞  
飛長裊傳歌共繞梁欲因吹少女還持拂大王

詠陽雲樓檐柳

楊柳非花樹依樓自覺春枝邊通粉色葉裏暎紅巾帶日  
交簾影因吹埽席塵拂檐應有意偏宜桃李人

晚景游後園

高軒聊騁望煥景入川梁波橫山渡影雨罷葉生光日移  
花色異風散水紋長



詠歌

汗輕紅粉溼坐久翠眉愁傳聲入鐘磬餘響雜箜篌

詠梅

梅含今春樹還臨先日池人懷前歲憶花發故年枝

詠螢火

著人疑不熱集草訝無煙到來燈下暗翻往雨中然

幽逼詩四首

南風且絕唱西陵最可悲今日還蒿里終非封禪時

人生逢百六天道異貞恆何言異螻螻一旦損鯤鵬

松風侵曉哀霜零當夜來寂寥千載後誰畏軒轅臺

八代詩選

翻體詩上齊全類上

三四

夜長無歲月安知秋與春原陵五樹杳空得動耕人

蕭綸

代秋胡婦閨怨

蕩子從游宦思妾守房櫳塵鏡朝朝掩寒衾夜夜空若非

新有悅何事久西東知人相憶否淚盡夢嗁中

車中見美人

關情出眉眼軟媚著腰肢語笑能嬌嬈行步絕逶迤空中

自迷惑渠旁會不知縣念猶如此得時應若爲

見姬人

春來不復賒入苑駐行車比來妝點異今世撥鬟斜卻扇

承枝影舒衫受落花狂夫不妒妾隨意晚還家

蕭紀

和湘東王夜夢應令

昨夜夢君歸賤妾下鳴機縣知意氣薄不著去時衣故言  
如夢裏賴得雁書飛

閨妾寄征人

斂色金星聚縈悲玉筍流願君看海氣憶妾上高樓

蕭暉

奉和太子秋晚詩

副君乘暇景臨秋坐北宮杏梁照初月蓮池引夕風清輝

八代詩選

新體詩上  
齊全梁上

三五

洞藻井流香入綺窠鵲聲時徙樹螢光乍滅空涼氛散簾  
席露色變林叢

蕭正德

將奔魏詠竹火籠

楨榦屈曲盡蘭麝氛氲消欲知懷炭日正是履霜朝

劉琨

胡姬年十五

虹梁照曉日淥水泛香蓮如何十五少含笑酒壚前花將  
面自許人共影相憐回頭堪百萬價重爲時年

沈約

洛陽道

洛陽大道中佳麗實無比燕裙傍日開趙帶隨風靡領上  
蒲萄繡腰中合歡綺佳人殊未來薄暮空從倚

江南曲

櫂歌發江潭采蓮渡湘南甯須問隱處舟浦子自諳羅衣  
織成帶墮馬碧玉簪但令舟楫渡甯計路嶄嵌

攜手曲

捨轡下彫輅更衣奉玉牀斜簪映秋水開鏡比春妝所畏  
紅顏促君恩不可長鷓冠且容裔豈吝桂枝亡

詠湖中雁

八代詩選

新體詩一  
齊全梁上

三五

白水滿春塘旅雁每回翔嗷流牽弱藻斂翮帶餘霜羣淨  
動輕浪單汎逐孤光縣飛竟不下飢起未成行刷羽同搖  
漾一舉還故鄉

冬節後至丞相第詣世子車中作

廉公失權勢門館有虛盈貴賤猶如此況乃曲池平高車  
塵未滅珠履故餘聲賓階綠錢滿客位紫苔生誰當九原  
上鬱鬱望佳城

汎永康江

長枝萌紫葉清源泛綠苔山光浮水至春色犯寒來臨睨  
信永矣望美曖悠哉寄言幽閨妾羅袖勿空裁

別范安成

生平少年日分手易前期及爾同衰暮非復別離時勿言  
一尊酒明日難重持夢中不識路何以慰相思

初春

扶道覓陽春相將共攜手草色猶自非林中都未有無事  
逐梅花空教信楊柳且復共歸來含情寄杯酒

春思

楊柳亂如絲綺羅不自持春草黃復綠客心傷此時青  
已結消碧水復盈淇日華照趙瑟風色動燕姬衿前萬行  
淚故是一相思

入代詩選

新體詩一  
齊全梁上

三七

詠簾

江南簫管地妙響發孫枝殷勤寄玉指含情舉復垂彫梁  
再三繞輕塵四五移曲中有深意丹誠君詎知

詠桃

風來吹葉動風去畏花傷紅英已照灼况復含日光歌童  
暗理曲游女夜縫裳詎減當春淚能斷思人腸

詠青苔

綠階已漠漠汎水復緜緜微根如欲斷輕絲似更聯長風  
隱細草深堂沒綺縈鬱無人贈蕋蕤徒可憐

爲鄰人有懷不至

影逐斜月來香隨遠風入言是定知非欲笑翻成泣

石塘瀨聽蟻

噉噉夜蛩鳴溶溶晨霧合不知聲遠近惟見山重沓既歡  
東嶺唱復竹西巖答

江淹

征怨

蕩子從征久鳳樓簫管閒獨枕凋雲鬢孤燈損玉顏何日  
邊塵淨庭前征馬還

范雲

巫山高

八代詩選

新體詩上

三

巫山高不極白日隱光輝靄靄朝雲去冥冥暮雨歸巖縣  
獸無跡林暗鳥疑飛枕席竟誰薦相望空依依

有所思

如何有所思而無相見時宿昔夢顏色階庭尋履碁高張  
更何已引滿終自持欲知憂能老爲視鏡中絲

閨思

春草醉春煙深閨人獨眠積恨顏將老相思心欲然幾回  
明月夜飛夢到郎邊

邱遲

敬酬柳僕射征怨

清歌自信妍雅舞空仙耳中解明月頭上落金鈿雀飛  
且近遠暮入綺窗前魚戲雖南北終還荷葉邊惟見君行  
久新年非故年

贈何郎

向夕秋風起野馬雜塵埃憂至猶如繞詎是故人來檐際  
落黃葉階前網絲落遙情不入酒望美信難哉

題琴朴奉柳吳興

邊山此嘉樹搖影出雲垂清心有素體直幹無曲枝凡耳  
非所別君子特見知不辭去根本造邾仰光儀

芳樹

八代詩選

○翻鑑詩上

三

芳葉已漠漠嘉實復離離發景旁雲屋凝輝覆華池輕蜂  
掇淨穎弱鳥隱深枝一朝容色茂于春長不移

王僧孺

鼓瑟曲有所思

夜風吹熠燿朝光照昔邪幾銷蕪蕪葉空落蒲荷花不堪  
長織素誰能獨浣紗光陰復何極望促反成賒知君自蕩  
子奈妾亦倡家

秋日愁居答孔十簿

首秋雲物善晝暑且猶清日華隨水汎樹影逐風輕依簾  
野馬合當戶昔邪生物我一無際人鳥不相驚儻過北山

北聊訪法高卿

春閨怨

愁來不理鬢春至更攢眉  
悲看蛺蝶粉泣望蜘蛛  
絲月映寒蛩褥風吹翡翠帷  
飛鱗難託意  
馭翼不銜詞

秋閨怨

斜光隱西壁暮雀上南枝  
風來秋扇屏月出夜燈吹  
深心起百際遙淚非一垂  
徒勞妾辛苦終言君不知

在王晉安酒席數韻

窈窕宋華容但歌有清曲  
轉盼非無以斜眉幸相屬  
詎減

許飛瓊多勝劉碧玉何因送款款  
半飲杯中綠

八代詩選

新體詩一  
齊全梁上

爲姬人自傷

自知心裏恨還向影中羞  
迴持昔慊慊變作今悠悠  
還君與妾扇歸妾贈君裘  
斷弦猶可續心去最難留

爲人寵姬有怨

可憐獨立樹枝輕  
根易搖已爲露所濕  
復爲風所飄錦衾  
襪不開端坐夜及朝  
是妾愁成瘦非君重細腰

爲徐僕射妓作

日晚應歸去上客強盤桓  
稍知玉釵重漸見羅襦寒

夜愁示諸賓

檐露滴爲珠池水合成璧  
萬行朝淚寫千里  
夜愁積孤帳

閉不開寒膏盡復益誰知心眼亂看朱忽成碧

柳暉

長門怨

玉壺夜悄悄應門重且深秋風動桂樹流月搖輕陰綺檐  
清露溼罔戶思蟲吟歎息下蕭閣含愁奏雅琴何由鳴曉  
佩復得抱宵衾無復金屋念豈照長門心

起夜來

城南斷車騎閣道覆青埃露華光翠罔月影入蘭臺洞房  
且莫掩應門或復開颯颯秋桂響非君起夜來

詠薔薇

八代詩選

新體詩一  
齊全梁上

三

當戶種薔薇枝葉太葳蕤不搖香已亂無風花自飛春闈  
不能靜開匣理明妃曲池淨采采斜岸列依依或聞好音  
度時見銜泥歸且對清醕湛其餘任是非

庾肩吾

賦得有所思

佳期竟不歸春日坐芳菲拂匣看離鏡開箱見別衣井梧  
生未合宮槐卷復稀不及銜泥燕從來相逐飛

九日侍宴樂游苑應令

轍跡光周頌巡游盛夏功鉤陳萬騎轉閭闔九關通秋輝  
逐行漏朔氣繞相風獻壽重陽節回鑿上苑中疏山開輦



道閒樹出離宮玉醴吹巖菊銀牀落井桐御梨寒更紫仙  
桃秋轉紅飲羽山西射浮雲翼北驄塵飛金埒滿葉破柳  
條空騰蛟疑矯箭驚雁避虛弓彫材濫杞梓花綬接鷓鴣  
愧乏天庭藻徒參文雅雄

從皇太子出元圃應令

春光起麗譙屣步陟山椒閣影臨飛蓋鶯鳴入洞簫水還  
登故渚樹長蔭前橋綠荷生綺葉丹藤上細苗顧循慙振  
藻何用擬瓊瑤

游甌山

平子去已久餘風今復追未必游春草王孫自不歸路高

八代詩選

新體詩一  
齊全梁上

三二

村反出林長鳥更稀寒雲閒石起秋葉下山飛西河方閔  
訓詁得解朝衣

蔬圃堂

北宮多暇豫時駕總鑿鑣路靜籛葭撤輪移羽蓋飄臨空  
坐飛觀回首望浮橋風長曙鐘近地迴洛城遙疎林不礙  
日澗浦暫通潮徒然等賓從並作愧羣僚

尋周處士弘讓

試逐赤松游披林對一邱梨紅大谷晚桂白小山秋石鏡  
菱花發桐門琴曲愁泉飛疑度雨雲積似重樓王孫若不  
去山中定可留

賦得稽叔夜

山林重明滅風月臨囂塵著書惟隱士談元止谷神雁重  
翻傷性蠶寒更養身廣陵餘故曲山陽有舊鄰俗儉甯防  
患才多反累身寄言山吏部無以助庖人

賽漢高廟

昔在唐山曲今承紫貝壇甯知臨楚岸非復望長安野曠  
秋先動林高葉早殘塵飛遠騎沒日徙半峰寒徒然仰成  
誦終用試才難  
亂後行經吳御亭

郵亭一回望風塵千里昏青袍異春草白馬卽吳門獯戎  
八代詩選

齊鑑詩上

三

顛伊洛雜種亂輶輶孽道同關塞王城似太原休明鼎尙  
重秉禮國猶存殷隔爻雖躋堯城吏轉尊泣血悲東走橫  
戈念北奔方憑七廟略誓雪五陵冤人事今如此天道其  
誰論

經陳思王墓

公子獨憂生邱隴擅餘名采樵枯樹盡犁田荒隧平甯追  
宴平樂詎想謁承明且余來錫命兼言事結成飄飄河朔  
遠颺颺颺風鳴雁與雲俱陳沙將蓬共驚枯桑落古社寒  
鳥歸孤城隴水哀葭曲漁陽慘鼓聲離家來遠客安得不  
傷情

奉和春夜應令

春牖對芳洲珠簾新上鉤燒香知夜漏刻燭驗更籌天禽  
下北閣織女入西樓月皎疑非夜林疎似更秋水光縣蕩  
壁山翠下添流詎假西園燕無勞飛蓋游

詠美人

絳樹及西施俱是好容儀非關能結束本自細腰支鏡前  
難並照相將映淥池看妝畏水動斂襲避風吹轉手齊裾  
亂橫簪歷鬢垂曲中人未取誰堪白日移不分他相識唯  
聽使君知

南苑看人還

八代詩選

■ 翰 繼 詩 上

三四

春花競玉顏俱折復俱攀細腰宜窄衣長釵巧挾鬟洛橋  
初度燭青門欲上關中人應有望上客莫前還

看放市

旗亭出御道游目暫回車既非隨舞鶴聊思索枯魚縣龜  
識季主勝酒見相如日中人已合黃昏故未疎

和望月

桂殿月偏來留光引上才圓隨漢東蚌暈逐淮南灰渡河  
光不溼移輪轍詎開此夜臨清景還承終宴杯

和徐主簿望月

樓上徘徊月窗中愁思人照雪光偏冷臨花色轉春星流

請入暈桂長欲侵輪願以重光曲承君歌扇塵

春日

桃紅柳絮白照日復隨風影出朱城外香歸青殿中水暎  
寄生竹山橫半死桐頌文知渥重搦札愧才空

未央才人歌

從來守未央轉欲訝春芳朝風陵日色夜月奪燈光相逢  
儻游豫暫爲卷衣裳

奉和湘東王應令二首

春宵

征人別來久年芳復臨牖燭下夜縫衣春寒偏著手願及

八代詩選

新體詩一  
齊全深上

三五

歸飛雁因書寄高柳

冬曉

鄰雞聲已傳愁人竟不眠月光侵曙後霜明落曉前繁鬢  
起照鏡誰忍插花鈿

詠舞

飛鳧裊始拂囀鳥曲未終聊因斷續唱試託往還風

詠長信宮中草

委翠似知節含芳如有情全由履跡少併欲上階生

八代詩選第十二

梁卷下陳全卷

長沙湘潭王闔運撰

吳均

渡易水

雜虜客來齊時余在角觝揚鞭渡易水直至龍城西日昏  
笳亂動天曙馬爭嘶不能通瀚海無面見三齊

妾安所居

賤妾先有寵蛾眉進不遲一從西北麗無復城南期何因  
暫豔逸豈爲乏妍姿徒有黃昏望甯遇青樓時惟惜應門  
掩方餘永蒼悲匡牀終不共何由橫自私

八代詩選

新體詩二  
梁下陳全

陌上桑

嫋嫋陌上桑蔭陌復垂塘長條映白日細葉隱鸞黃蠶飢  
妾復思拭淚且提筐故人甯知此離恨煎人腸

秦王卷衣

咸陽春草芳秦帝卷衣裳玉檢茱萸匣金泥蘇合香初芳  
薰復帳餘輝耀玉牀當須晏朝罷持此贈華陽

贈搖郎

星漢正參差佳人不在斯  
倘昔暫乖阻何異遠分離  
露染靡蕪葉日照芄蘭枝  
風光已飄薄雲采復逶迤  
勞夢無人覺默默心自知

發湘州贈親故別三首

相送出江潯淚下霑衣襟何用敘離別臨歧贈好音敬通  
才如此君山學復深明哲遂無賞文華空見沈古來非一  
日無事更勞心

雲生曉靄靄花落夜霏霏問余何意別答言倦游歸徒勞  
易水布空負洛陽衣懷金無人別抱玉遂成非安得久留  
滯商山饒白薇

君留朱門裏我至廣江濱城高望猶見風多聽不聞流蘋  
方繞繞落葉向紛紛無由得共賞山川閒白雲

同柳吳興何山集送劉餘杭

八代詩選

新體詩二  
梁下陳全

二

王孫重離別置酒峯之巖逶迤川上草參差澗裏薇輕雲  
紉遠岫細雨沐山衣檐端水禽息窗上野螢飛君隨綠波  
遠我逐清風歸

登壽陽八公山

遠澗自傾曲石漱復淺淺含珠岸恆翠懷玉浪多圓疎峯  
時吐月密樹不開天瑤繩盡元祕金檢上奇篇是有琴高  
者陵波去水仙

江上酬鮑畿

振棹出江湄依依望九疑欲歇蒼梧帝過問沅湘姬折荷  
縫作蓋落羽紡成絲吾行別有意不爲君道之

酬聞人侍郎別二首

悵然心不樂萬里向悠悠  
凌朝憩枉渚薄暮遵江洲  
君住青門上我發霸陵頭  
相思自有處春風明月樓  
整棹北川湄回首望城邑  
林疎風至少山高雲度急  
其懷萬里心各作千行泣  
欲見終無緣思君空佇立

贈鮑春陵別

落葉思紛紛蟬聲猶可聞  
水中千丈月上萬里雲海鴻  
來倏去林花合復分  
所憂別離意白露下霑裙  
迎柳吳興道中

團團日西靡客念已蹉跎  
長風倒危葉輕練網寒波  
白雲

八代詩選

新體詩二  
梁下陳全

三

光彩麗青松意氣多  
所言飽恩德忘我北山蘿

古意

雜虜寇銅鞮征役去三齊  
扶山翦疏勒旁海掃沈黎  
劍光夜揮電馬汗晝成泥  
何當見天子畫地取關西  
匈奴數欲盡僕在玉門關  
蓮花寄劍鏑秋月掩刀環  
春機思窈窕夏鳥鳴綿蠻  
中人坐相望狂夫終未還  
賤妾思不堪采桑渭城南  
帶減連枝繡髮亂鳳皇  
蓂花舞依長薄蛾飛愛綠潭  
無由報君信流涕向春蠶  
何處報君書隴右五岐路  
淚研兔枝墨筆染鷲毛  
素碧浮甯渚水香下洞庭路  
應歸遂不歸芳春空擲度

妾家橫塘北發豔小長干花釵玉宛轉珠繩金絡丸鬋歷  
縣丹鳳逶迤搖白團誰能分見此含恨不能言

去妾贈前夫

棄妾在河橋相思復相遼鳳皇簪落髮蓮花帶緩腰腸從  
別處斷兒在淚中消願君憶疇昔片言時見饒

春詠

春從何處來拂水復驚梅雲障青瑣闥風吹承露臺美人  
隔千里羅幃閉不開無由得共語空對相思杯

主人池前鶴

本自乘軒者爲君階下禽摧藏多好兒清唳有奇音稻梁

八代詩選

新體詩二  
梁下陳全

四

惠旣重華池遇亦深懷恩未忍去非無江海心

何遜

銅雀伎

秋風木葉落蕭瑟管絃清望陵歌對酒向帳舞空城寂寂  
檐宇曠飄飄帷幔輕曲終相顧起日暮松柏聲

九日侍宴樂游苑

皇德無餘讓重規龔帝勛垂衣化比屋睠顧慎爲君翮飛  
悅有道卉木荷平分宸襟動時豫歲序屬涼氛城霞旦昇  
朗槐霧曉氤氳鸞輿和八龔鳳駕啟千羣羽觴歡湛露信  
舞奏承雲禁林終宴晚華池物色曠疏樹翻高葉寒流駭



細紋晴軒連瑞氣同惹御香芬日斜迢遞宇風起嗟峨雲  
運偶參侯服恩洽廁朝聞於焉藉多幸歲暮仰游汾

秋夕仰贈從兄

宿蕙漸翻葉池蓮稍罷花高樹北風響空庭秋月華寸心  
懷是夜寂寂漏方餘撫絃乏歡娛臨觴獨歎嗟悽愴戶涼  
入裴回欄影斜無爲淹戚里見就還田家

南還道中送贈劉諮議別

一官從府役五稔去京華遠逐春流去歸帆得望家天末  
靜波浪日際斂煙霞岸薺生寒葉村梅落早花游魚上急  
水獨鳥赴行查目想平陵柏心憶青門瓜曲陌背通垣長  
墟抵狹斜善鄰談稼穀故老述桑麻寢興從閒逸視聽絕  
喧譁夫君日高興爲樂坐騎奢室墮傾城佩門交接幃車  
入塞長雲雨出國暫泥沙握手分歧路臨川何怨嗟

春夕早泊和劉諮議落日望水

旅人嗟倦游結纜坐春洲日暮江風靜中川聞棹謳草光  
天際合霞影水中浮單艫時向浦獨楫乍乘流變童泣垂  
釣天姬哭蕩舟客心自有緒對此空復愁

學古贈邱永嘉征還

龍馬魚腸劍躑躅起風塵結客蔥河返喧喧動四鄰入墟  
猶憶舊覓巷復疑新窺見應門出遙識下機人相悲淚欲

八代詩選

新體詩二  
梁下陳全

下離別方自陳

夜夢故人

客心驚夜魂言與故人同開簾覺水動映竹見牀空浦口  
望斜月洲外聞長風九秋時未晚千里路難窮已如擁腫  
木復似飄飄蓬相思不可寄直在寸心中

七夕

仙車駐七襄鳳駕出天潢月映九微火風吹百和香來懽  
暫巧笑還淚已嗟妝依稀如洛汭倏忽似高唐別離未得  
語河漢漸湯湯

詠早梅

八代詩選

新體詩二  
梁下陳全

六

兔園標物序驚時最是梅銜霜當路發映雪擬寒開枝橫  
卻月觀花繞陵風臺朝灑長門泣夕駐臨邛杯應知早飄  
落故逐上春來

行經孫氏陵

昔在零陵厭神器若無依逐兔爭先捷倚鹿競因機呼噏  
開伯道叱咤掩江畿豹變分奇略虎視鬪戎威長蛇虬巴  
漢驥馬絕淮淝交戰無內禦重門豈外扉成功舉已棄凶  
德愼而違水龍忽東驚青蓋乃西歸竭來已永久年代曠  
微微苔石疑文字荆墳失是非山鷺空曙響隴月自秋輝  
銀海終無浪金鳧會不飛闐寂今如此望望霑人衣

贈王左丞

擗外鷺唳罷園裏日光斜游魚亂水葉輕燕逐風花長墟  
上寒靄曉樹沒歸霞九華暮已隱抱鬱徒交加  
日夕出富陽浦口和朗公

客心愁日暮徙倚空望歸山煙涵樹色江水暎霞輝獨鶴  
凌空逝雙鳧出浪飛故鄉幾千里茲夕歎無衣

與胡興安夜別

居人行轉軾客子暫維舟念此一筵笑分爲兩地愁露溼  
寒塘草月暎清淮流方抱新離恨獨守故園秋

慈姥磯

入代詩選

新體詩全

七

暮煙起遙岸斜日照安流一心賞夕暫解去鄉憂野岸  
平沙合連山遠霧浮客悲不自己江上望歸舟

與虞記室諸人詠扇

如珪信非玷學月但爲輪機杼靡蕪妾裁縫篋笥人搖風  
入素手占曲掩朱脣羅衷幸拂拭微芳聊可因

詠舞

管清羅薦合絃驚雪裏遲逐唱迴纖手聽曲轉蛾眉凝情  
盼墮珥微睇託含辭日暮留嘉客相看愛此時

蕭子範

春望古意

光景斜漢宮橫梁照采虹春情寄柳色鳥語出梅中氛氳  
閨裏思透迤水上風落花徒入戶何解妾牀空

夜聽雁

天月廣庭輝游雁犯霜飛連翩辭朔氣嘹唳獨南歸夜長  
寒復靜燈光曖欲微悽悽不可聽何況獨愁機

後堂聽蟬

試逐微風遠聊隨夏葉繁輕飛避楚雀飲露入吳園流音  
繞叢藿餘響切高軒借問邊城客傷情甯可言

入元襄王第

伏軾窺東苑收淚下玉橋昔時方轂處於今共寂寥夾池

入代詩選

新體詩二  
梁下陳全

八

猶裊裊仙樹尙迢迢一同西靡柏徒思芳樹蕭

蕭子顯

奉和昭明太子鍾山講解

嵩岳基舊宇盤領跨南京睿心重禪室游駕陟曾城金輅  
徐旣動龍驂躍且鳴涂方後塵合地迴前笱清邈迤因臺  
樹參差憩羽旌高隨閭風極勢與元天并氣歇連松遠雲  
昇秋野平裴回臨井邑表裏見淮瀛祈果尊常住渴慧在  
無生暫留石山軌欲知芳杜情鞠躬荷嘉慶瞻道聞頌聲

春閨思

金羈游俠子綺機離思妾春度人不歸望花盡成葉

蕭子雲

寒夜直坊憶袁三公

滴滴雨鳴階惜惜茲夜靜風落宣猷樹寒凋承光屏高嶂  
曉獨垂華燭夜空冷所思不相見方知寒漏永

春思

春風蕩羅帳餘花落鏡匳池荷正卷葉庭柳復垂檐竹柏  
君自改團扇妾方嫌誰能憐故素終爲泣新練

蕭子輝

春宵

夜夜妾偏棲百花含露低蟲聲繞春岸月色思空閨傳語

八代詩選

新體詩二  
梁門附全

九

長安驛辛苦寄遼西

冬曉

步闌光欲通曙鳥向西東燭滅傳餘氣帷香開曉風繁花  
無處盡還銷寒鏡中

蕭鈞

晚景游汎懷友

龍開依御溝鳳轄轉芳洲雲峯初辨夏麥氣早迎秋山翠  
餘煙積川平晚照收浪隨文鷁轉渡逐彩鷺浮風花轉未  
落巖泉咽不流一辭金谷苑空想竹林游

蕭琛

餞謝文學

執手無還顧別渚有西東荆吳眇何際煙波千里通春草  
方解籜弱柳向低風相思將安寄悵望南飛鴻

蕭瑱

春日貽劉孝綽

澗水初流碧山櫻早發紅新禽爭弄響落絮亂從風拂筵  
多輒榦暎戶悉花叢誰云相去遠垂柳對高桐

王籍

入若邪溪

舳艫何汎汎空水共悠悠陰霞生遠岫陽景逐回流蟬噪

八代詩選

新體詩二  
下陳全

林逾靜鳥鳴山更幽此地動歸念長年悲倦游

王訓

獨不見

日晚宜春暮風輒上林朝對酒近初節開樓蕩夜嬌石橋  
通小澗竹路上青霄持底誰見許長愁成細腰

應令詠舞

新妝本絕世妙舞亦如仙傾腰逐韻管斂衽聽張弦裊輕  
風易入釵重步難前笑態千金動衣香十里傳將持比飛  
燕定當誰可憐

王泰

賦得巫山高

迢遞巫山竦，遠天新霽時。樹交涼去遠，草合影開遲。谷深流響咽，峽近緩聲悲。只言雲雨狀，自有神仙期。

王筠

有所思

丹墀生細草，紫殿納輕陰。曖曖巫山遠，悠悠湘水深。徒歌鹿盧劍，空貽璚瑁簪。望君終不見，屑淚且微吟。

俠客篇

俠客趨名利，劍氣坐相矜。黃金塗鞘尾，白玉飾鉤膺。晨馳逸廣陌，日暮返平陵。舉鞭向趙李，與君方代興。

八代詩選

新體詩二  
陳全

二

奉酬從兄臨川桐樹

伊昔擅羽儀，待價龍門垂。優游清露點，徽穆惠風吹。月上陰陽榦，雲覆死生枝。公子存高尚，聊用影華池。棲鸞既不重，舞鶴復何施。方同散木爨，清響竟誰知。

閨情

月出宵將半，星流曉未央。空閨易成響，虛室自生光。嬌羞悅人夢，猶言君在旁。

劉孝綽

銅雀伎

雀臺三五日，絃吹似佳期。況復西陵晚，松風吹德帷。危絃

斷復續妾心傷此時誰言留客袂還掩望陵悲

春日從駕新亭應制

旭日輿輪動言追河曲游紆餘出紫陌迤邐度青樓前驅  
掩蘭徑後乘厯芳洲春色江中滿日華巖上留江風傳葆  
吹巖華暎采旂臨渦起睿作駟馬暫停軛侍從榮前阮雍  
容慙昔劉空然等彈翰非徒嗟未遒

陪徐僕射晚宴

夫君追宴喜十日遞來過築室華池上開軒臨芰荷方塘  
交密篠對雷接繁柯景移林改色風去水餘波洛城雖半  
掩愛客待驪歌

八代詩選

新體詩二  
梁下陳全

夕逗繁昌浦

日入江風靜安波似未流岸迴知舳轉纜解覺船浮暮煙  
生遠渚夕鳥赴前洲隔山聞戍鼓旁浦喧棹謳疑此辰陽  
宿於此逗孤舟

愛姬贈主人

臥久疑妝脫鏡中私自看薄黛銷將盡凝朱半有殘垂釵  
繞落鬢微汗染輕紈同羞不相難對笑更成歡妾心君自  
解挂玉且留冠

爲人贈美人

巫山薦枕日洛浦獻珠時一遇便如此甯關先有期幸非



使君問莫作羅敷辭  
夜長眠復坐誰知  
聞斂眉欲寄同花  
燭爲照遙相思

賦得照基燭詩刻五分

南皮弦吹罷終奕且留賓  
日下房龔閭華燭命佳人側光  
全照局迴花半隱身不辭  
纖手倦羞今夜向晨

劉孝儀

行過康王故第苑

入梁逢故苑度辭見餘宮  
尙識招賢閣猶懷愛士風  
靈光一超遠衡館亦蒙籠  
洞門餘舊色甘棠留故蔭  
送禽悲不去過客慕難窮  
池竹徒如在林堂暖已空  
遠橋隔樹出迴

八代詩選

新體詩二  
梁下陳全

三

澗隱崖通芳流小山桂塵起  
大王風具物咸如此是地感  
余衷空想陵前劍徒悲隴上童

劉孝威

隴頭水

從軍戍隴頭隴水帶沙流  
時觀胡騎飲常爲漢國羞  
鬢妻成兩劍殺子祀雙鉤  
頓取樓蘭頸就解郵支裘  
勿令如李廣功多遂不酬

怨詩

退寵辭金屋見譴斥  
甘泉枕席秋風起  
房櫳明月縣燭避  
窗中影香迴爐上煙  
丹庭斜草徑素壁點  
落錢歌起蒲生

曲樂奏下山絃新聲昔廣宴餘杯今白傳王嬙向絕漢宗  
女入邠連雁書猶未返角馬無歸羊昭臺有媵御曾阪無  
棄捐後薪隨復積前魚誰更憐

和王竟陵愛妾換馬

驄馬出樓蘭一步九盤桓小史贖金絡良工送玉鞍龍驂  
來甚易烏孫去實難麟膠妾猶有請爲急弦彈

出新林

芒山眠洛邑函谷望秦京遙分承露掌遠見長安城故鄉  
已可識游子必勞情霧罷前林見風息涌川平坐觀暮潮  
落漸見夕煙生無由一羽化徒想御風輕

八代詩選

新體詩二  
梁下陳全

十四

行還值雨又爲清道所駐

齊楚磐石貴韓吳異姓王俱乘早朝罷相隨出建章喧呼  
驚里閤叫吡駭康莊早駟同隼擊青橐似鷹揚掖門南北  
遠復道西東長旛旗爭絡繹官騎鬱相望微風生棨傳輕  
雨潤帷裳雨衣分競道小蓋列成行入舍便繁密五營與  
服光回車避司隸俄軒揖內郎況余白屋士自依卑路旁  
日月雖臨照仄陋難明敷早榮羞日及晚知慙豫章徒抱  
凌雲志終愧摩天翔安能久淪辱圖南會有方

苦暑

暮日苦炎溽遷坐接階廊月麗姮娥影星含織女光樓禽

動夜竹流螢出閣牆香盤糝鮮粉彫壺承玉漿白羽徒垂  
握綠水自周堂弱紈猶覺重織絺尙少涼弄風思漢朔戲  
兩憶吳王元冰術難驗赤道漏猶長誰能更吹律還令黍  
谷涼

奉和湘東王應令冬曉

妾家邊洛城慣識曉鐘聲鐘聲猶未盡漢使報應行天寒  
硯冰凍心悲書不成

劉孝先

草堂寺尋無名法師

飛鏡點青天橫照滿樓前深林生夜冷複閣上宵煙葉動

八代詩選

新體詩二  
梁下陳全

五

花中露湍鳴聞裏泉竹風聲若雨山蟲聽似蟬摘果仍荷  
藉酌水用花傳一卮聊自飲萬事豈蕭然

和無名法師秋夜草堂寺禪房月下

幽人住山北月上照山東洞戶臨松徑虛窗隱竹叢出林  
避炎影步逕逐涼風平雲斷高岫長河隔淨空數螢流暗  
草一鳥宿疎桐興逸煙霄上神閒宇宙中還思城闕下何  
異處樊籠

詠竹

竹生荒野外梢雲聳百尋無人賞高節徒自抱貞心恥染  
湘妃淚羞入上宮琴誰能制長笛當爲吐龍吟

春宵

夜樓明月矜露下  
百花鮮情多意不設  
嘵罷未歸眠燉煌  
定若遠一信動經年

劉遵

度關山

隴樹寒色落塞雲  
朝欲開谷深聲易響  
路俠幘難回當知  
結綬去非是棄繻來  
行人思顧返道別且  
裴回願度關山  
鶴勞歌正可哀

陶宏景

詔問山中何所有賦詩以答

八代詩選

新體詩二  
梁下陳全

去

山中何所有嶺上多白雲  
只可自怡悅不堪持贈君

徐防

賦得觀濤

雲容雜浪起楚水漫吳流  
漸看遙樹沒稍見遠天浮  
漁人迷舊浦海鳥失前洲  
不測滄溟曠輕鱗幸自游

徐君蒨

初春攜內人行戲

梳飾多今世衣著一時新  
草短猶通屣梅香漸著人  
樹斜牽錦帔風橫入紅綸  
滿酌蘭英酒對此得娛神

鮑至

山池應令

望園光景莫林觀  
歇零埃荷疎不礙  
檝石淺好縈落風  
光逐榜轉山望向  
橋開樹交樓影沒  
岸暗水光來

劉緩

看美人摘薔薇

新花臨曲池佳麗  
復相隨鮮紅同映  
水輕香共逐吹繞  
架尋多處窺叢見  
好枝矜新猶恨少  
將故復嫌萎釵邊  
瀾漫插無處不相  
宜

劉瑗

新戶

八代詩選

新體詩二  
梁下陳全

七

仙宮雲箔卷露出  
玉簾鉤清光無所  
贈相憶鳳皇樓

陸罩

閨怨

自憐斷帶日偏恨  
分釵時留步惜餘  
影含意結愁眉徒  
知今異昔空使怨  
成思欲以別離思  
獨向麝蕪悲

虞羲

春郊

光風轉蕙晦香霧  
鬱蘭津暄遲蝶弄  
蘼景麗鳥和春樵  
歌喧隴暮漁柁亂  
江晨山中芳杜若  
依依獨思人

虞騫

尋沈剡溪夕至嬸亭

命楫尋嘉會信次歷山原捫天上雲  
紮拳石下雷奔澄潭  
寫度鳥空嶺應鳴  
陂榜歌唱將夕商子處方昏

江洪

淶水曲

潺湲復皎絜輕鮮自可悅橫使有情禽  
照影遂孤絕  
塵容不忍飾臨池思客歸誰能取淶水  
無趣浣羅衣

秋風曲

北牖風摧樹南籬寒蛩吟庭中無限月  
思婦夜鳴砧

何思澄

八代詩選

新體詩  
梁下陳全

奉和湘東王教班婕妤

寂寂長信晚雀聲喧洞房  
蜘蛛罔高閣駁蘚被長廊  
虛殿  
簾幃靜閒階花縈香悠悠  
視日暮還復守空牀

費昶

春郊見美人

芳郊拾翠人迴輿卷芳春  
金輝起步搖紅綵發吹綸陽陽  
蓋頂日飄飄馬足塵薄暮  
高樓下當知妾姓秦

詠照鏡

晨輝照杏梁飛燕起朝妝  
留心散廣黛輕手約花黃  
正釵  
時念影拂絮且憐香方嫌  
翠色故乍道玉無光城中皆半

額非妾畫眉長

庾丹

夜夢還家

歸飛夢所憶其子汲寒漿銅瓶素絲纓綺井白銀牀雀出  
丰茸樹蟲飛瑋瑁梁離人不相見爭忍對春光

鮑泉

落日看還

妖姬競早春上苑逐名辰落輕變水色霞濃掩日輪彫蕙  
斜逐景畫扇拂游塵衣香遙已度衫紅遠更新誰家蕩舟  
妾何處織縑人

八代詩選

新體詩二  
梁下陳全

紀少瑜

一九

詠殘燈

殘燈猶未滅將盡更揚輝唯餘一兩焰纔得解羅衣

朱超

詠同心芙蓉

青山麗朝景元峯朗夜光未及清池上紅蕖並出房日分  
雙蒂影風合兩花香魚驚畏蓮折龜上礙荷長雲雨留輕  
潤草木隱嘉祥徒歌涉江曲誰見緝爲裳

奉和登百花亭懷荆楚

亭高登望極春心遠近同莫恨荆臺隱雲行不礙空柳色

浮新翠蘭心帶淺紅若因鵬舉便重上龍門中

賦得蕩子行未歸

坐樓愁出望息意不思春無奈園中柳寒時已報人捉梳  
羞理鬢挑朱嬾向脣何當上路晚風吹還騎塵  
舟中望月

大江闊千里孤舟無四鄰唯餘故樓月遠近必隨人入風  
先遶暈排霧急移輪若教長似扇堪拂豔歌塵

戴嵩

從軍行

長安夜刺聞胡騎白銅鞮詔書發隴右召募取關西劍縣

八代詩選

新體詩二  
梁下陳全

三

三尺鞘鎧累七重犀督軍鳴戰鼓巡夜數更鞞侵星出柳  
塞際晚入榆溪秦涇含藥鳩晉火逐飛雞通泉開地道望  
敵豎雲梯陰山日不暮長城風自淒弓寒折錦鞞馬凍滑  
斜蹠燕旗竿上脆羌笛管中嘶登山試下趙憑軾且平齊  
當令函谷上唯用一丸泥

神仙篇

徒聞石爲火未見阪停丸暫數盈虛月長隨晝夜瀾辭家  
試學道逢師得姓韓閩山金靜室蓬邱銀露壇安平醞仙  
酒渤海轉神丹初飛喜退鳳新學法乘鸞十芒生月腦六  
焰起星肝流瓊播□俗信玉類陽官元都宴晚集紫府事



朝看謝手今爲別誰憐此路難

詠眠

拂枕薰紅氎迴燈復解衣旁邊知夜永不喚定應歸

聞人精

春日

愁人試出牖春色定無窮參差依罔日澹蕩入簾風落花  
還繞樹輕飛去隱空徒令玉筋泣雙垂明鏡中

王孝禮

詠鏡

可憐不自識終爾因鏡中分眉一等翠對面兩邊紅轉身

八代詩選

新體詩二  
梁下陳全

主

先見動含笑逆相同猶嫌鏡裏促看人未好通

王淑英妻劉氏

暮寒

梅花自瀾漫百舌早迎春逾寒亦逾薄未肯壞腰身

徐悝妻劉氏

和婕妤怨

日落應門閉愁思百端生況復昭陽近風傳歌吹聲寵移  
終不恨讒枉太無情祇言爭分理非妒舞腰輕

題甘蔗葉

夕泣已非疎夢噉真太數唯當夜枕知過此無人覺

摘同心梔子贈謝娘因附此詩

兩葉雖爲贈交情永未因同心處何恨梔子最關人

陳後主陳叔寶

采桑

春樓髻梳罷南陌競相隨去後花叢散風來香處移廣裏  
承朝日長鬟礙聚枝柯新攀易斷葉嫩摘前萎采繁鉤手  
弱微汗雜妝垂不應歸獨早堪爲使君知

有所思

蕩子好蘭期留人獨自思落花同淚臉初月似愁眉階前  
看草蔓窗中對罔絲不言千里別復是三春時

八代詩選

新體詩二  
梁下陳全

三

杳杳與人期遙遙有所思山川千里閒風月兩邊時相對  
春那劇相望景偏遲當由分別久夢來還自疑

臨高臺

晚景登高臺迴望春光來霧濃山後暗日落雲旁開煙裏  
看鴻小風來望葉回臨窗已響吹極眺且傾杯

洛陽道

誼譁照邑里遨游出洛京霜枝嫩柳發水塹薄落生停鞭  
回去影駐軸敞前葢臺上經相識城下屢逢迎峙嶠還借  
問只重未知名

百尺瞰金埒九衢通玉堂柳花塵裏暗槐色露中光游俠

幽并客當壚京兆妝向夕風煙晚金羈滿洛陽  
雨雪曲

長城飛雪下邊關地籟吟濛濛九天暗霏霏千里深樹冷  
月恆少山霧日偏沈況聽南歸雁切思胡笳音

楊叛兒曲

青春上陽月結伴戲京華龍媒玉珂馬鳳軫繡香車水暎  
臨橋樹風吹夾路花日昏歡宴罷相將歸狹斜

同江僕射游攝山棲霞寺

時宰礮溪心非關狎竹林鷺嶽青松繞雞峯白日沈天迴  
浮雲細山空明月深摧殘枯樹影零落古藤陰霜村夜烏

八代詩選

新體詩二  
梁下陳全

重

去風路寒暖吟自悲堪出俗詎是欲抽簪

三婦豔詞

大婦避秋風中婦夜牀空小婦初兩髻含嬌新臉紅得意

□□□可憐那可同

大婦西北樓中婦南陌頭小婦初妝點回眉對月鉤可憐

還自覺人看反更羞

大婦妬蛾眉中婦逐春時小婦獨年少相望卷羅幃羅幃

夜寒卷相望人來遲

自君之出矣

自君之出矣霜輝當夜明思君若風影來去不曾停

自君之出矣塵罔暗羅帷思君如落日無有暫還時  
自君之出矣房空帷帳輕思君如晝燭懷心不見明  
自君之出矣不分道無情思君若寒草零落放心生  
入隋侍宴應詔

日月光天德山河壯帝居太平無以報願上東封書

陰鏗

班婕妤怨

柏梁新寵盛長信昔恩傾誰謂詩書巧翻爲歌舞輕花月  
分窗進落草共階生接淚衫前滿單眠夢裏驚可惜逢秋  
扇何用合歡名

八代詩選

新體詩二  
梁下陳全

西

和登百花亭懷荆楚

江陵一柱觀溽陽千里潮風煙望似接川路恨成遙落花  
輕未下飛絲斷易飄藤長還依格荷生不避橋陽臺可憶  
處唯有暮將朝

廣陵岸送北使

行人引去節送客艤歸艫卽是觀濤處仍爲郊贈衛汀洲  
浪已息邗江路不紆亭嘶背櫂馬檣轉向風烏海上春雲  
雜天際晚帆孤離舟對零雨別渚望飛鳧定知能下淚非  
但一楊朱

江津送劉光祿不及

依然臨送渚長望倚河津鼓聲隨聽絕帆勢與雲鄰泊處  
空餘鳥離亭已散人林寒正下葉釣晚欲收綸如何相背  
遠江漢與城闈

和傅郎歲暮還湘洲

蒼茫歲欲晚辛苦客方行大江靜猶浪扁舟獨且征棠枯  
絳葉盡蘆凍白花輕成人寒不望沙禽迴未驚湘波各深  
淺空軫念歸情

渡青草湖

洞庭春溜滿平湖錦帆張沅水桃花色湘流杜若香穴去  
茅山近江連巫峽長帶天澄迴碧映日動浮光行舟逗遠

入代詩選

新體詩二  
梁下陳全

五

樹度鳥息危檣滔滔不可測一葦詎能航

開善寺

鷲嶺春光遍王城野望通登臨情不極蕭散趣無窮鷲隨  
入戶樹花逐下山風棟裏歸雲白窗外落輝紅古石何年  
臥枯樹幾春空淹留惜未反幽桂在芳叢

行經古墓

偃松將古墓年代理當深表柱應堪灼碑書欲有金迴墳  
由路毀荒隧受田侵霏霏野霧合昏昏隴日沈縣劍今何  
在風楊空自吟

晚出新亭

大江一浩蕩離悲足幾重潮落猶如蓋雲昏不作峯遠成  
唯聞鼓寒山但見松九十方稱半歸塗詎有蹤  
侯司空宅詠伎

佳人遍綺席妙曲動鶻弦樓似陽臺上池如洛水邊鸞  
歌扇後花落舞衫前翠柳將斜日俱照晚妝鮮  
雪裏梅花

春近寒雖轉梅舒雪尚飄從風還共落照日不俱消葉開  
隨足影花多助重條今來漸異昨向晚判勝朝

五洲夜發

夜江霧裏闊新月迴中明溜船惟識火驚鳧但聽聲勞者

八代詩選

齊體陳全

三

時歌榜愁人數問更

徐陵

關山月

關山三五月客子憶秦川思婦高樓上當窗應未眠星旗  
映疎勒雲陳上祁連戰氣今如此從軍復幾年

月出柳城東微雲掩復通蒼茫縈白暈蕭瑟帶長風羌兵  
燒上郡胡騎獵雲中將軍擁節起戰士夜鳴弓

走筆戲書應令

此日乍殷勤相嫌不如春今宵花燭淚非是夜迎人舞席  
秋來卷歌筵無數塵曾經新代故那惡故迎新片月窺花

簞輕寒入錦中秋來應瘦盡偏自著腰身

和簡文帝寶漢高帝廟

山宮類牛首漢寢若龍川玉盃無秋耐金燈滅夜煙丹帷  
迫靈嶽紺席下羣仙堂虛沛筑響釵低戚舞妍何殊后廟  
裏子建作華篇

別毛永嘉

願子厲風規歸來振羽儀嗟余今老病此別空長離白馬  
君來哭黃泉我詎知徒勞脫寶劍空挂隴頭枝

秋日別庾正員

征塗轉愁旆連騎慘停鑣朔氣凌疎木江風送上潮青雀

八代詩選

新體詩二  
梁陳全

毛

離帆遠朱鸞別路遙唯有當秋月夜夜上河橋

內園逐涼

昔有北山北今余東海東納涼高樹下直坐落花中狹逕  
長無跡茅齋本自空提琴就竹篠酌酒勸梧桐

沈炯

望郢州城

魂兮何處返非死復非仙坐柯如昨日合石未淹年  
歷陽頓成浦東海果爲田空憶扶風詠誰見峴山傳  
世變才良改時移民物遷悲哉孫驃騎悠悠哭彼天

長安還至方山愴然自傷

秦軍阮趙卒遂有一人生雖還舊鄉里危心曾未平淮源  
比桐柏方山似削成猶疑屯虜騎尙畏值胡兵空村餘拱  
木廢邑有殞城舊識旣已盡新知皆異名百年三萬日處  
處此傷情

張正見

度關山

關山度曉月劒客遠從征雲中出迴陳天外落奇兵輪摧  
偃去節樹倒礙懸旌沙揚折阪暗雲積榆谿明馬倦時銜  
草人疲屢看城寒隴胡笳迴空林漢鼓鳴還聽嗚咽水併  
切斷腸聲

八代詩選

新體詩二  
梁下陳全

三

釣竿簾

結宇長江側垂釣廣川潯竹竿橫翡翠桂髓擲黃金人來  
水鳥沒楫度岸花沈蓮搖見魚近綸盡覺潭深渭水終須  
卜滄浪徒自吟空嗟芳餌下獨見有貪心

采桑

春樓曙鳥驚蠶妾候初晴迎風金珥落向日玉釵明徒顧  
移籠影攀鉤動釧聲葉高知手弱枝顛覺身輕人多羞借  
問年少怯逢迎恐疑夫婿遠聊復答專城

怨詩

新豐妖冶地游俠競驕奢池臺閒羅綺桃李雜煙霞益影



分連騎衣香合並車豔粉驚飛蝶紅妝暎落花舞衫飄冶  
衷歌扇掩團紗玉牀珠帳卷金樓鏡月斜還疑蕭史鳳不  
及季倫家

關山月

巖間度月華流彩映山斜暈逐連城壁輪隨出塞車唐堯  
遙合影秦桂遠分花欲驗盈虛理方知道路賒

長安有狹斜行

少年重游俠長安有狹斜路窄時容馬枝高易度車檐高  
同落照巷小共飛花相逢夾繡轂借問是誰家

與錢元智汎舟

八代詩選

新體詩二  
梁下隸全

五

高門事休沐朝野恣逢迎還乘金谷水俱望洛陽城舟移  
津女渡楫動渭橋橫風高雁已落雨霽水還清葉盡桐門  
淨花秋菊岸明欲奏江南曲聊習棹歌行

浦狹村煙度

茅蘭夾兩岸野燎燭中川村長合夜影水狹度浮煙收光  
暗烏弋分火照漁船山人不炊桂樵華幸共然

賦新題得蘭生野徑

披襟出蘭畹命酌動幽心耨罷還開路歌喧自動琴華燈  
共影落芳杜雜花深莫言閒逕裏遂不斷黃金

賦新題得寒樹晚蟬疎

寒蟬噪楊柳朔吹犯梧桐葉迴飛難住枝殘影共空聲疎  
飲露後唱絕斷絃中還因搖落處寂寞盡秋風

祖孫登

詠水

驪泉紫闕映珠浦碧沙沈岸闊蓮香遠流清雲影深風潭  
如拂鏡山溜似調琴請君看皎潔知有澹然心

賦得涉江采芙蓉

浮照滿川漲芙蓉承落光人來閒花影衣渡得荷香桂舟  
輕不定渡歌引更長采采嗟離別無暇緝爲裳

謝靈

八代詩選

新體詩  
梁下陳全

隴頭水

隴阪望咸陽征人慘思腸咽流喧斷岸游沫聚飛梁鳥分  
斂冰彩虹飲照旗光試聽饒歌曲唯吟君馬黃

早梅

迎春故早發獨自不疑寒畏落眾花後無人別意看

何胥

哭陳昭

思人適舊館寂寞非一源無復酣歌樂空餘燕雀喧落暉  
隱窮巷秋風生故園撫孤空對此零淚欲奚言

蘇子卿

梅花落

中庭一樹梅寒多葉未開祇言花是雪不悟有香來上那  
春恆晚高樓年易催織書偏有意教逐錦文回

賀力牧

關山月

重關斂暮煙明月下秋前照石疑分鏡臨弓似引弦霧暗  
迷旗影霜濃溼劒蓮此處離鄉客遙心萬里縣

亂後別蘇州人

裴回睇閭闔悵望極姑蘇慨矣嗟荒運悲哉惜霸圖子常  
終覆郢宰豁遂亡吳石隕星方暗山崩川自枯周京摧棧  
八代詩選

新體詩二  
梁下陳全

三

樸漢社落粉榆宮毀無巢燕城空餘堞烏茲邦號端委多  
士自相趨照庶同燕石光車等魏珠言離已惆悵念別更  
峙嶠若訪任公子求余東海隅

伏知道

賦得招隱

招隱訪仙楹邱中琴正鳴桂叢侵石路桃花隔世情薄暮  
安車近林喧山鳥驚

陸系

有所思

別念限城闈還思樓上人淚想離前落愁聞別後新月來

疑舞扇花度憶歌塵只看今夜裏那似隔河津

江輝

劉生

五陵多美選六郡盡良家劉生代豪蕩標舉獨榮華寶劍  
長三尺金尊滿百花唯當重意氣何處有驕奢

蕭琳

隔壁聽伎

徒聞絃管切不見舞腰迴惟有歌梁共塵飛一半來

八代詩選

新體詩二  
梁下陳全

三

八代詩選第十三

齊已後新體詩第三

八代詩選十四

北朝全卷隋全卷

長沙湘潭王闔運撰

魏李騫

贈親友

幽棲多暇日總駕萃荒坰南瞻帶宮雉北睇距畦瀛流火  
時將末縣炭漸云輕寒風率已厲秋水寂無聲層陰蔽長  
野凍雨暗窮汀侶浴浮還沒孤飛息且驚三禡戩終歲一  
丸曾未營閒居同洛浹歸身款武城稍旅原思藿坐夢尹  
勤荆監河愛斗水蘇子借餘明益州達友趣廷尉辨交情  
豈若忻蓬華收志偶沈冥

八代詩選

新體詩三  
北朝全卷全

王筠

春詞

春花綺繡色春鳥弦歌聲春風復蕩漾春女亦多情愛將  
鶯作友憐旁錦爲屏回頭語夫婿莫誤豔陽征

齊魏收

後園宴樂

東馬輕燕外獵雉陋秦中朝車轉夜轂仁旗指旦風式宴  
臨平圃展衛寫屠宮積崖疑造化導水逼神功樹靜歸煙  
合簾疎反照通一逢堯舜日未假北山叢

裴讓之

有所思

夢中雖暫見及覺始知非展轉不能寐徙倚獨披衣悽悽  
曉風急唵唵月光微室空常達旦所思終不歸

從北征

沙漠胡塵起關山烽燧驚皇威奮武略上將總神兵高臺  
朔風駛絕野寒雲生匈奴定遠近壯士欲橫行

公館燕酬南使徐陵

嵩山表京邑鍾嶺對江津方域殊風壤分野各星辰出境  
君圖事尋盟我恤鄰有才稱竹箭無用忝絲綸列樂歌鐘  
響張旃玉帛陳皇華徒受命延譽本無因韓宣將聘楚申

八代詩選

新體詩三  
北朝全降全

二

胥欲去秦方期飲河朔翻屬臥漳濱禮酒盈三獻賓筵盛  
八珍歲稔鳴銅雀兵戢坐金人雲來朝起益日落晚摧輪  
異國猶兄弟相知無舊新

盧詢

中婦織流黃

別人心已怨愁空日復斜然香望韓壽磨鏡待秦嘉殘絲  
愁績爛餘織恐縑賒支機一片石緩轉獨輪車下簾還憶  
月挑燈更惜花景似天河上春時織女家

鄭公超

送庾羽騎抱

舊宅青山遠歸路白雲深遲暮難爲別搖落更傷心空城  
落日影迴地浮雲陰送君自有淚不假聽蛩吟

周明帝宇文毓

貽韋居士

六爻貞遜世三辰光少微頴陽去猶遠滄州遂不歸風動  
秋蘭佩香飄蓮葉衣坐石窺仙洞乘槎下釣磯嶺松千仞  
直巖泉百丈飛聊登平樂觀遙想首陽薇儻能同四隱來  
參余萬機

過舊宮

玉燭調秋氣金輿歷舊宮還如過白水更似入新豐秋潭

八代詩選

新體詩三  
北朝全隋全

三

瀆晚菊寒井落疎桐舉杯延故老今聞歌大風

宇文昶

陪駕幸終南山

堯蓋臨河頴漢蹕踐華嵩日旂迴北鳳星旆轉南鴻青雲  
過宣曲先驅背射熊金桴沸泉底玉琯吹雲中古轍稱難  
極新塗或易窮煙生山欲盡潭淨水恆空交松上連霧脩  
竹下來風仙才道無別靈氣法能同東棗羞朝座西桃獻  
夜宮詔令王子晉出對浮邱公

王褒

飲馬長城窟

北走長安道征騎每經過戰垣臨八陳旌門對兩和屯兵  
戍隴北飲馬旁城阿雪深無復道冰合不生波塵飛連陳  
聚沙平騎跡多昏昏隴坻月耿耿霧中河羽林猶角觝將  
軍尙雅歌臨戎常拔劍蒙險屢提戈秋風鳴馬首薄暮欲  
如何

關山月

關山夜月明秋色照孤城影虧同漢陳輪滿逐胡兵天寒  
光轉白風多暈欲生寄言亭上吏送客解雞鳴

贈周處士

我行無歲月征馬屢盤桓峭曲三危阻關重九折難猶持

八代詩選

新體詩三  
北朝全隋全

四

漢使節尙服楚臣冠巢禽疑上幕驚羽畏虛彈飛蓬去不  
已客思漸無端壯志與時歇生年隨事闌百齡悲促命數  
刻念餘歡雲生隴坻黑桑疎薊北寒鳥道無蹊徑清漢有  
波瀾思君化羽翮要我鑄金丹

送觀甯侯葬

蒙羽高峻極淮泗導清源荆茅廣裂地跼萼盛開蕃紛綸  
形臚彩從容瓊玉溫衝飈搖桓榦烈火壯曾崑疇昔同羈  
旅辛苦涉涼暄觀風方聽樂垂淚遽傷魂造舟虛客禮高  
閑掩賓垣桂樹思公子芳草惜王孫今晨向郊郭猶似背  
輶轅丹旛書空位素帳設虛尊楚琴南操絕韓書舊說存



西靡傷新樹東陵惜故園  
自憐悲谷影彌愴玉關門  
餘輝盡天末夕霧擁山根  
平原看獨樹皋亭望列村  
寂寥還蓋靜荒茫歸路昏  
挽鐸已流唱歌童行自喧  
矇言千載後誰將游九原

渡河北

秋風吹木葉還似洞庭波  
常山臨代郡亭障繞黃河  
心悲異方樂腸斷隴頭歌  
薄暮臨征馬失道北山阿

庾信

結客少年場行

結客少年場春風滿路香  
歌撩李都尉果擲潘河陽  
隔花

八代詩選

新唐詩三  
北朝全隋全

五

遙勸酒就水更移牀  
今年喜夫婿新拜羽林郎  
定知劉碧玉偷嫁汝南王

道士步虛詞十首

選五首

渾成空教立元始正圖開  
赤玉靈文下朱陵真氣來  
中天九龍館倒景八風臺  
雲度弦歌響星移宮殿回  
青衣上少室童子向蓬萊  
逍遙聞四會倏忽度三災

無名萬物始有道百靈初寂絕  
乘丹氣元明上玉虛三元  
隨建節八景逐回輿赤鳳來  
銜璽青鳥入獻書壤几仍成  
几枯魚還作魚棲心浴日館  
行樂止雲墟

疑真天地表絕想寂寥前有象  
猶虛豁忘形本自然開經

王子歲值道甲申年迴雲隨舞曲流水逐歌弦石髓香如  
飯芝房脆似蓮停鸞讌瑤水歸路上鴻天

東明九芝蓋北燭五雲車飄颻入倒景出沒上煙霞春泉  
下玉雷青鳥向金華漢帝看桃核齊侯問棗花上元應送  
酒來向蔡經家

地境階基遠天窗影跡深碧玉成雙樹空青爲一林鶴巢  
堪煉石蜂房得煮金漢武多驕慢淮南不小心蓬萊入海  
底何處可追尋

奉和山池

樂宮多暇豫望苑暫迴輿鳴笳陵絕浪飛蓋歷通渠桂亭

八代詩選

新體詩三  
北朝全隋全

六

花未落桐門葉半疎荷風驚浴鳥橋影聚行魚日落含山  
氣雲歸帶雨餘

和宇文內史春日游山

游客值春輝金鞍上翠微風逆花迎面山深雲溼衣雁持  
一足倚暖將兩臂飛成樓侵嶺路山村落獵圍道士封君  
達仙人丁令威煮丹於此地居然未肯歸

奉報窮秋寄隱士

王倪逢齧缺桀溺耦長沮藜牀負日臥麥隴帶經耒自然  
曲木几無名科斗書聚花聊飼雀穿池試養魚小村治澗  
路低田補壤渠秋水牽沙落寒藤抱樹疎空枉平原騎來

過仲蔚廬

入彭城館

襄君前建國項氏昔稜威鴟飛傷楚戰雞鳴悲漢園年代  
殊氓俗風雲更盛衰水流浮磬動山喧雙翟飛夏餘花欲  
盡秋近燕將稀槐庭垂綠穗蓮浦落紅衣徒知日云暮不  
見舞雩歸

同盧記室從軍

河圖論陳氣金匱辨星文地中鳴鼓角天上下將軍函犀  
恆七屬絡鐵本千羣飛梯聊度絳合弩暫陵汾寇陳先中  
斷妖營卽兩分連烽對嶺度嘶馬隔河聞箭飛如疾雨城  
崩似壞雲英王於此戰何用武安君

八代詩選

新體詩三  
北朝全隋全

七

至老子廟應詔

虛無推馭辨寥廓本乘蜺三門臨苦縣九井對靈谿盛丹  
須竹節量藥用刀圭石似臨邛芋芝如封禪泥氈毛新鶴  
小盤根古樹低野戍孤煙起春山百鳥唳路有三千別塗  
經七聖迷唯當別關吏直向流沙西

奉和趙王游仙

藏山還采藥有道得從師京兆陳安世成都李意期玉京  
傳相鶴太乙授飛龜白石香新芋青泥美熟芝山精逢照  
鏡樵客值圍棋石紋如碎錦藤苗似亂絲蓬萊在何處漢

后欲遙祠

詠懷二十七首

步兵未飲酒中散未彈琴索索無真氣昏昏有俗心  
酒觴常思水驚飛每失林風雲能變色松竹且悲吟  
由來不得意何必往長岑

赭衣居傅巖垂綸在渭川乘舟能上月飛幟欲捫天  
誰知志不就空有直如弦洛陽蘇季子連衡遂不連  
既無六國印翻思二頃田

俎豆非所習帷幄復無謀不言班定遠應爲萬里侯  
燕客思遼水秦人望隴頭倡家遭強聘質子值仍留  
自憐才智

八代詩選

新體詩三  
北朝全隋全

八

盡空傷年鬢秋

楚材稱晉用秦臣卽趙冠離宮延子產羈旅接陳完  
寓衛非所寓安齊獨未安雪泣悲去魯悽然憶相韓  
唯彼窮途慟知余行路難

惟忠且惟孝爲子復爲臣一朝人事盡身名不足親  
吳起常辭魏韓非遂入秦壯情已消歇雄圖不復申  
移住華陰下終爲關外人

疇昔國士遇生平知已恩直言珠可吐甯知炭可吞  
一顧重尺璧千金輕一言悲傷劉孺子悽愴史皇孫  
無因同武騎歸守霸陵園

榆關斷音信漢使絕經過胡笳落淚曲羌角斷腸歌纖腰  
減束素別淚損橫波恨心終不歇紅顏無復多枯木期填  
海青山望斷河

白馬向清波乘冰始渡河置兵須近水移營喜竈多長阪  
初垂翼鴻溝遂倒戈的顛於此去虞兮奈若何空營衛青  
冢徒聽田橫歌

搖落秋爲氣淒涼多怨情唳枯湘水竹哭壞杞梁城天亡  
遭憤戰日蹙值愁兵直虹朝映壘長星夜落營楚歌饒恨  
曲南風多死聲眼前一杯酒誰論身後名

周王逢鄭怒楚后值秦冤梯衝已鶴列冀馬忽雲屯武安

八代詩選

新體詩  
北齊全唐全

九

儋瓦振昆陽猛獸奔流星夕照鏡燹火夜燒原古獄饒冤  
氣空亭多枉魂天道或可問微兮不忍言

橫石三五片長松一兩株對君俗人眼真興理當無野老  
披荷葉家童掃栗跼竹林干戶封甘橘萬頭奴君見愚公  
谷真言此谷愚

日晚荒城上蒼茫餘落暉都護樓蘭返將軍疎勒歸馬有  
風塵氣人多關塞衣陳雲平不動秋蓬卷欲飛聞道樓船  
戰今年未解圍

尋思萬戶侯中夜忽然愁琴聲遍屋裏書卷滿牀頭雖言  
夢胡蝶定自非莊周殘月如初月新秋似舊秋露泣連珠

下螢飄碎火流樂天乃知命何時能不憂

憤憤天公曉精神殊乏少一郡催曙雞數處驚眠鳥其覺  
乃于于其憂惟悄悄張儀稱行薄管仲稱器小天下有情  
人居然性靈天

倏忽市朝變蒼茫人事非避讒應采葛忘情遂食薇懷愁  
正搖落中心愴有違獨憐生意盡空驚槐樹衰

日色臨平樂風光滿上蘭南國美人去東家棗樹完抱松  
傷別鶴向鏡絕孤鸞不言登隴首唯得望長安

無悶無不悶有待何可待昏昏如坐霧漫漫疑行海干年  
水未清一代人先改昔日東陵侯唯見瓜園在

入代詩選

北齊詩全隋全

十一

懷抱獨惛惛平生何所論由來千種意併是桃花源穀皮  
兩書帙壺盧一酒尊自知費天下也復何足言

蕭條亭障遠悽慘風塵多關門臨白狄城影入黃河秋風  
別蘇武寒水送荆軻誰言氣蓋世晨起帳中歌

被甲陽雲臺重雲久未開雞鳴楚地盡鶴唳秦軍來羅梁  
猶下礮揚排久飛灰出門車軸拆吾王不復回

奉和示內人

然香鬱金屋吹管鳳皇臺春朝迎雨去秋夜隔河來聽歌  
雲卽斷聞琴鶴倒回春窗刻鳳下寒壁畫花開定取流霞  
氣時添承露杯

奉和趙王美人春日

直將劉碧玉來過陰麗華祇言滿屋裏併作一園花  
新藤亂上格春水漫吹沙步搖釵梁動紅輪帔角斜  
今年逐春處先向石崇家

夢入堂內

彫梁舊刻杏香壁本泥椒幔繩金麥穗簾鈎銀蒜條畫眉  
千度拭梳頭百遍撩小衫裁裏臂纏弦拍抱腰日光釵  
動窗影鏡花搖歌曲風吹韻笙簧火炙調卽今須戲去誰  
復待明朝

和王少保遙傷周處士

八代詩選

新體詩三  
北朝全隋全

十一

冥漠爾游岱淒涼余向秦雖言異生死同是不歸人  
昔余仕冠蓋值子避風塵望氣求真隱司關待逸民  
忽聞泉石友芝桂不防身悵然張仲蔚悲哉鄭子真  
三山猶有鶴五柳更應春遂令從渭水投弔往江濱

傷王司徒褒

昔聞王子晉輕舉逐神仙謂言君積善還得嗣前賢  
四海皆流寓非爲獨播遷豈意中台坼君當風燭前  
自君鐘鼎族江東三百年寶刀仍世載琬戈本舊傳  
緣紆槐綬黃金飾侍蟬地建忠臣國家開孝子泉自  
能枯木潤足得流水圓以君承祖武諸侯無閒然青  
衿已對日童子卽論天

頽陰珠玉麗河陽脂粉妍名高六國共價重十城連辯足  
觀秋水文堪題馬鞭回鸞抱書字別鶴繞琴弦擁旄裁甸  
服垂帷非被邊靜亭空繫馬閒幾直起煙不廢披書案無  
妨坐釣船茂陵忽多病淮陽實未痊侍醫逾默默神理遂  
繇繇永別張平子長埋王仲宣柏谷移松樹陽陵買墓田  
陝路秋風起寒堂已颯馬邱楊一搖落山火卽時然昔爲  
人所羨今爲人所憐世塗旦復旦人情元又元故人傷此  
別留恨滿秦川定名於此定全德以斯全唯有山陽笛悽  
余思舊篇

詠畫屏風詩二十五首

八代詩選

新體詩三  
北朝全隋全

七

昨夜烏聲春驚鳴動四鄰今朝梅樹下定有詠花人流星  
浮酒汎粟瑱繞杯脣何勞一片雨喚作陽臺神

逍遙游桂苑寂絕到桃源狹石分花逕長橋映水門管聲  
驚百鳥人衣香一園定知歡未足橫琴坐石根

裴回出桂苑徒倚就花林下橋先勸酒跂石始調琴蒲低  
猶抱節竹短未空心絕愛緩聲近唯憐花逕深

擣衣明月下靜夜秋風飄錦石平砧面蓮房接杵腰急節  
迎秋韻新聲入手調寒衣須及早將寄霍嫫姚

出沒看樓殿閒關望綺羅翔禽逐節舞流水赴弦歌細管  
吹葭竹新杯卷半荷南宮冠蓋下日暮風塵多



玉柀珠簾卷金鉤翠幔縣荷香薰水殿閣影入池蓮平沙  
臨浦口高柳對樓前上橋還倚望遙看采菱船

高閣千尋跨重欄百丈齊雲度三分近花飛一倍低吹簫  
迎白鶴照鏡舞山雞何勞愁日暮未有夜烏啼

度橋猶徙倚坐石未傾壺淺草開長埒行營繞細廚沙洲  
兩鶴迴石路一松孤白可尋丹竈何勞憶酒壚

三危上鳳翼九阪度龍鱗路高山裏樹雲低馬上人縣巖  
泉溜響深谷鳥聲春住馬來相問應知有姓秦

聊開鬱金屋暫對芙蓉池水光連岸動花風合樹吹春杯  
猶雜汎細果尙連枝不畏歌聲盡先看箏柱鼓

八代詩選

新體詩二  
北朝全隋全

三

今朝好風日園苑足芳菲竹動蟬爭散蓮搖魚暫飛面紅  
新著酒風晚細吹衣跂石多時望濞船始復歸

竟日坐春臺芙蓉承酒杯水流平澗下山花滿谷開行雲  
數番過白鶴一雙來水影搖叢竹林香動落梅直上山頭  
路羊腸能幾迴

梅花

常年臘月半已覺梅花闌不信今春晚俱來雪裏看樹動  
縣冰落枝高出手寒早知覓不見眞悔著衣單

晚秋

淒清臨晚景疎索望寒階溼庭凝墜露搏風卷落槐日氣

斜還冷雲峰晚更霾可憐數行雁點點遠空排

奉和永豐殿下言志十首

選六首

立德齊今古資仁一毀譽無機抱甕汲有道帶經耒處下  
唯名惠能言本姓蘧未論驚寵辱安知係慘舒

興雲榆莢晚燒薶杏花初漈池浸黍稷谷水播蓄畝六月  
蟬鳴稻千金龍骨渠含風搖古度防露動林於

自憐循短綆方欲問長沮茂陵體猶瘠淮陽疾未祛翻疑  
承毒水忽似遇昌菹漢陽嗟欲盡咎絲懼忽諸

弱齡參顧問疇昔濫吹噓綠槐垂學市長楊映直廬連盟  
翻滅鄭仁義反亡徐還思建鄴水終憶武昌魚

八代詩選

新體詩三  
北朝全隋全

古

崩隄壓故柳衰社臥寒樗野鶴能自獵江鷗解獨漁漢陰  
逢荷蓀緇林見杖屨阮籍常思酒稽康懶著書

披林求木實拂雪就園蔬濁醪非鶴髓蘭肴異蟹蟻野情  
風月曠山心人事疏徒知守瓴甕空欲報璠璣

率爾成詠

昔日謝安石求爲淮海人彷彿新亭岸猶言洛水濱南冠  
今別楚荆玉遂游秦儻使如楊僕甯爲關外人

別周尙書宏正

扶風石橋北函谷故關前此中一分手相逢知幾年黃鶴

一反顧裴回應愴然自知悲不已徒勞減瑟弦

和昴法師游昆明池

游客重相懽連鑣出上蘭值泉傾蓋飲逢花駐馬看平湖  
汎玉舳高堰歇金鞍半道聞荷氣中流覺水寒

寒園卽事

寒園星散居搖落小村墟游仙半壁畫隱士一牀書子月  
泉心動陽爻地氣舒雪花深數尺冰牀厚尺餘蒼鷹斜望  
雉白鷺下看魚更想東都外羣公別二疏

重別周尙書

陽關萬里道不見一人歸唯有河邊雁秋來南向飛

寄王琳

八代詩選

南北朝全隋全

五

玉關道路遠金陵信使疏獨下千行淚開君萬里書

隋煬帝楊廣

步虛詞

洞府凝元液靈山體自然俯臨滄海島回出大羅天八行  
分寶樹十丈散芳蓮縣居燭日月天步役風煙攝記書金  
簡乘空誦玉篇冠法二儀立佩帶五星連瓊軒解甘露  
并挹膏泉南巢息雲馬東海戲桑田回旗游八極飛輪入  
九元高蹈虛無外天地乃齊年

宴東堂

雨罷春光潤日落暝霞暉海榴舒欲盡山櫻開未飛清音

出歌扇淨香飄舞衣翠帳全臨戶金屏半隱扉風花意無  
極芳樹曉禽歸

謁方山靈巖寺

梵宮既隱隱靈岫亦沈沈平郊送晚日高峰落遠陰迴簾  
飛曙嶺疎鐘響晝林蟬鳴秋氣近泉吐石溪深抗跡禪杖  
地發念菩提心

月夜觀星

團團素月淨脩脩夕景清谷泉驚暗石松風動夜聲披衣  
出荆戶躡履步山楹欣覩明堂亮喜見泰階平荷參猶可  
識牛女尙分明更移斗柄轉夜久天河橫裴回不能寐參

八代詩選

新體詩三  
北朝全隋全

去

差幾種情

晚春

洛陽春稍晚四望滿春暉楊葉行將暗桃花落未稀窺檐  
燕爭入穿林鳥亂飛唯當關塞者溽露方霑衣

春江花月夜

暮江平不動春花滿正開流波將月去潮水帶星來  
夜露含花氣春潭漾月暉漢水逢游女湘川值兩妃

賜守宮女

我夢江都好征遼亦偶然但存顏色在離別只今年

關山月

兔月半輪明孤關一路平無期從此別復欲幾年行  
映光書漢奏分影照胡兵流落今如此長戍受降城

秋日侍宴婁苑湖應詔

翠渚旋鑿路瑤池命羽觴千門響雲蹕四澤動榮光  
玉軸昆池浪金舟太液張虹旗照島嶼鳳蓋繞林塘  
野靜重陰闊淮秋水氣涼霧開樓閣近日迴煙波長  
洛宴諒斯在鎬飲詎能方朽劣叨榮遇簪笏奉周行

秋日登廣州城南樓

秋城韻晚笛危榭引清風遠氣疑埋劍驚禽似避弓  
海樹

八代詩選

新體詩三  
北朝全隋全

七

一邊出山雲四面通野火初煙細新月半輪空  
塞外離羣客顏鬢早如蓬徒懷建業水復想洛陽宮  
不及孤飛雁獨在上林中

贈洗馬袁朗別

賈誼登朝日終軍對奏年校文升廣內撫劍入崇賢  
奇才殊豔逸將別更留連驅車命鏡管拱坐面林泉  
池寒稍下雁木落久無蟬露浸山扉月霜開石路煙  
高談無與慰遲爾報華篇

遇長安使寄裴尚書

傳聞合浦葉遠向洛陽飛北風尚嘶馬南冠獨不歸  
去雲

目徒送離琴手自揮秋蓬失處所春草屢芳菲太息關山  
月風塵客子衣

庚寅年二月十二日游虎邱山精舍

縱棹憐迴曲尋山靜見聞每從芳杜性須與俗人分貝塔  
涵流動花臺徧嶺芬蒙龍出檐桂散漫繞窗雲情幽豈徇  
物志遠易驚羣何由狎魚鳥不願屈元纁

入龍邱巖精舍

法堂猶集雁仙竹幾成龍聊承丹桂馥遠視白雲峰風窗  
穿石竇月牖拂霜松暗谷留征鳥空牀徹夜鐘陰崖未辨  
色邊樹豈知重盭此哀時命吁嗟世不容無由訪詹尹何  
入代詩選

新體詩隴全

六

去復何從

入攝山棲霞寺

壬寅年十月十八日入攝山棲霞寺登岸極峭頗暢懷  
抱至德元年癸卯十月二十六日又再游此寺布法師  
施菩薩戒甲辰年十月二十五日奉送金像還山限以  
時務不得恣情淹留乙巳年十一月十六日更獲拜禮  
仍停山中宿永夜留連悽神悚聽但交臂不存薪指俄  
謝率製此篇以記卽目俾後來賞者知余山志

淨心抱冰雪暮齒逼桑榆太息波川迅悲哉人世拘歲華  
皆采穫冬晚共巖枯濯流濟八水開襟入四衢茲山靈妙

合當與天地俱石瀨乍深淺崖煙遞有無缺碑橫古隧盤  
木臥荒塗行行備履歷步步憐威紆高僧跡共遠勝地心  
相符樵隱各有得丹青獨不渝遺風佇芳桂比德喻生芻  
寄言長往客悽然傷鄙夫

攝山棲霞寺山房夜坐簡徐祭酒周尚書并同游羣彥

澡身事珠戒非是學金丹月磴時橫枕雲崖宿解鞍梵宇  
調心易禪庭數息難石澗水流靜山窗葉去寒君思北闕  
駕我惜東都冠翻愁夜鐘盡同志不盤桓

七夕

漢曲天榆冷河邊月桂秋婉變期今夕飄飄渡淺流輪隨

八代詩選

新體詩三  
北朝全隋全

九

列宿動路逐彩雲浮橫波翻寫淚束素反緘愁此時機杼  
息獨向紅妝羞

南還尋草市宅

紅顏辭輦洛白首入轅轅乘春行故里徐步采芳蓀逕毀  
悲求仲林殘憶巨源見桐猶識井看柳尙知門花落空難  
遍鶯嘒靜易誼無人訪語默何處斂寒溫百年獨如此傷  
心豈復論

別袁昌州

河梁望隴頭分手路悠悠徂年若驚電別日欲成秋黃鶴  
飛飛遠青山去去愁不言雲雨散更似東西流

經始興廣果寺題愷法師山房

息舟候香阜，悵別在寒林。竹近交枝亂，山長絕逕深。輕飛入定影，落照有疎陰。不見披雲狀，空留折桂心。

奉和東宮經故如舊殿

故殿看看冷，空階步步悲。猶憶窺窗處，還如解佩時。落生無意早，燕入有言遲。若令歸就月，照見不須疑。

蕭愨

上之回

發軔城西時，回輿事北游。山寒石道凍，葉下故宮秋。朔路傳清警，邊風卷畫旒。歲餘巡省畢，擁杖返皇州。

入代詩選

魏體詩三  
北朝全隋全

屏風

秦皇臨碣石，漢帝幸明庭。非關重游豫，直是愛長齡。讀記知州所觀圖，見岳形。曉識仙人氣，夜辨少微星。服銀有祕術，蒸丹傳舊經。風搖百影樹，花落萬春亭。飛流近更白，叢竹遠彌青。逍遙保清暢，因持悅性情。

奉和詠龍門桃花

舊聞開露井，今見植龍門。樹少知非塞，花高□異源。論時應未發，故欲影歸軒。祇言經摘罷，猶勝逐風翻。

秋思

清波收潦日，華林鳴籟初。芙蓉露下落，楊柳月中疎。燕帷



細綺被趙帶流黃裙相思阻音息結夢感離居

顏之推

從周入齊夜度砥柱

俠客重艱辛夜出小平津馬色迷關吏雞鳴起戍人露鮮  
華劍彩月照寶刀新問我將何去北海就孫賓

李德林

從駕巡游

大夏堯遺俗汾河漢豫游今隨龍駕往還屬雁飛秋天行  
肅輦路日馭翼華軺朝乘六氣辨夕動七星旒谷靜禽多  
思風高松易愁遠林才有色遙水漫無流京華佳麗所目  
入代詩選新體詩三  
北朝全隋全

三

盧思道

日出東南隅行

初月正如鉤縣光入綺樓中有可憐妾如恨亦如羞深情  
出豔語密意滿橫眸楚腰甯且細孫眉本未愁青玉勿當  
取雙銀詎可留會待東方騎遙居最上頭

權歌行

秋江見底清越女復傾城方舟共采摘最得可憐名落花  
留寶珥微吹動香纓帶垂連理溼權舉木蘭輕順風傳細

語因波寄遠情誰能結錦纜薄暮隱長汀

采蓮曲

曲浦戲妖姬輕盈不自持擎荷愛圓水折藕弄長絲珮動  
幫風入妝消粉汗滋瀟歌惜不唱須待暝歸時

上巳禊飲

山前好風日城市壓囂塵聊持一尊酒共尋千里春餘光  
下幽桂夕吹舞青蘋何言出關後重有入林人

薛道衡

昔昔鹽

垂柳覆金隄靡蕪葉復齊齊水溢芙蓉沼花飛桃李蹊采桑

八代詩選

新體詩二  
北朝全隋全

三

秦氏女織錦竇家妻關山別蕩子風月守空閨恆斂千金  
笑長垂雙玉哢盤龍隨鏡隱彩鳳逐帷低飛魂同夜鵲倦  
寢聽晨雞暗牖蛛罔空梁落燕泥前年過代北今歲往  
遼西一去無消息那能惜馬蹏

人日思歸

入春纔七日離家已二年人歸落雁後思發在花前

辛德源

短歌行

馳射罷金溝戲笑上雲樓少妻鳴趙瑟侍妓轉吳謳杯度  
浮香滿扇舉細塵浮星河耿涼夜飛月豔新秋忽念奔駒

促彌欣執燭游

許善心

於太常寺聽陳國蔡子元所校正聲樂

維揚成禮樂治定昔君臨充庭觀樹羽之帝仰攬金旣因  
鐘石變將隨河海沈湛露廢還序承風絕復尋袞章無舊  
跡韶夏有餘音澤竭英莖散人遺憂思深悲來未減瑟淚  
下正聞琴詎似文侯睡聊同微子吟鍾奏殊南北商聲異  
古今獨有延州聽應知亡國音

虞茂

衡陽王齋閣奏妓

八代詩選

新體詩三  
北朝體全

三

金溝低御道玉管正吟風拾翠天津上回鸞島路中鏡前  
看月近歌處覺塵空今宵織女見言是望仙宮

孫萬壽

別贈

昔我游雲閣及爾謬同官高步參師友長裾接綺紈索居  
方十載相思勞萬端不言今夕遇得盡故人歡酒隨彭澤  
至琴卽武城彈高齋并餘熱珍簾宿輕寒葉落霜威重莫  
疎月色殘將歸動離恨彌傷行路難

和張丞奉詔於江都望京口

回首觀濤處極望滄海涓流波去無限喬木不勝悲蓬萊

雖已變池塘尙所思歸飛路窮此悵望情難持吾生乃民  
季疇日佐藩維尙想西園夕猶懷北固時城邑纒辨處風  
煙忽何之跂予未能已顧歎空遲遲

和周記室游舊京

大夫愍周廟王子泣殷墟自然心斷絕何關繫慘舒僕本  
漳濱士舊國亦淪胥紫陌風塵起青壇冠蓋疎臺留子建  
賦宮落仲將書譙周自題柱商容誰表閭聞君懷古曲同  
病亦漣如方知周處歎前後信非虛

王昶

七夕

八代詩選

新體詩二  
北朝全隋全

蓋

天何橫欲曉鳳駕儼應飛落月移妝鏡浮雲動別衣懽逐  
今宵盡愁隨還路歸猶將宿昔淚更上去年機

王胄

西園游上才

西園游上才清夜可裴回月桂臨尊上山雲影蓋來飛花  
隨燭度疎葉向帷開當軒顧應阮還覺賤鄒枚

言反江陽寓目灞浹贈易州陸司馬

游人賣藥罷徐步反江干行吟灞陵岸回首望長安晨華  
照城闕參差復鬱盤千門含日麗萬雉映霞丹雲開承露  
掌吹動相風竿游童輕薄少鮮服鷄鷄冠花開傅粉晏塵

起副車韓屢拔雙飛劍  
曾操兩色九桂玉要游女彈珠落  
矯翰信美非吾樂何事久盤桓  
欲動南登詠還謠北上難  
眷言思舊友徂遠路漫漫  
燕睡望楚服天際與雲端  
棹發吳濤上荆歌易水寒  
十年阻風月萬里別金蘭  
心期竟何許懷抱日摧殘  
容華冉冉謝衣帶朝朝寬  
盛憲甯延壽劉琨自少歡  
宿昔均取捨同波豈異瀾  
贈言不盡意擲筆起長歎

別周記室

五里徘徊鶴三聲斷絕  
蜩何言俱失路相對泣離尊  
別意悽無已當歌寂不喧  
貧交欲有贈掩涕竟無言

八代詩選

魏朝詩集全

三

庾自直

初發東都應詔

二龍承玉軸萬騎翊林塘  
縱觀此何事巡駕幸淮揚  
伊洛山川轉江河道  
路長照日秋原淨  
分花曲水香  
稻梁叨歲月羽翮仰恩光  
後塵歸舊里還如仙鶴翔

尹式

送晉熙公別

太行君失路扶搖我退飛  
無復紅顏在空將白首歸  
色移三代服塵化兩京衣  
道窮方識命事去乃知非  
西候追孫楚南津送陸機  
雲薄鱗逾細山高翠轉微  
氣隨流水咽淚

逐斷弦揮但令寸心密隨意尺素稀

孔德紹

行經太華

紛吾世罔暇靈岳展幽尋寥廓風塵遠杳冥川谷深山昏  
五里霧日落二華陰疏峯起蓮葉危塞隱桃林何必東都  
外此處可抽簪

八代詩選

新體詩全

三

八代詩選第十四

